

東
華
續
錄

光緒一百七十三

臣朱壽朋敬編

臣章圭璋恭校

夏四月辛卯朔時享 太廟 上親詣行禮○外務部奏查各國駐京使臣及其眷屬歷數 皇太后

皇上賜以 觀見復奉 皇太后懿旨令各使館內眷於本年五月初五日進謁 宮廷隨同游膳 隆

施異數賞海同欽王等伏維古者賓禮以親邦國朝觀聘問均有燕饗之儀東西洋各國歲時公議概舉

行聽樂觀舞賞花等會凡各國公使及其眷屬皆與焉雖中西體制間有不同而樽俎聯歡情誼自更周

浹中國與各國使命往來近益加密 等仰體 朝廷德意謹就中西交際事宜詳慎參酌除各使臣隨

懇 親見隨時仍照向章辦理外所有各國公使及參贊隨員並各國公使之妻及參贊隨員諸內眷擬

請 聖恩特賜游膳並請於每歲上半年之三四月下半年之八九月 欽定日期由 臣部屆時知照各

使臣欽遵以錫寵光而昭睦誼允之○壬辰 上御乾清宮俄國使臣雷薩爾帶領俄國水師提督思克

得羅福親見○吏部右侍郎溥頤以病免○癸巳調繼祿為吏部右侍郎以松壽為工部右侍郎手琦為

兵部左侍郎○以文廉為鑲藍旗漢軍副都統○以榮慶為倉場侍郎○外務部奏光緒二十八年三月

二十日督辦山海關內外鐵路大臣袁世凱胡燏棻奏接收京榆鐵路現與英使商訂章程一摺本日奉
硃批依議欽此由該大臣於三月二十四日將原摺條欽鈔送到部查原議條款第五款內載議定嗣
後在於離現時所有鐵路八十英里地方之內凡欲新修鐵路除此章程畫押以前所應允修辦之外均
應由中國北方鐵路督辦大臣承修蓋如北京或豐台至長城向北之鐵路及通州至古冶或唐山直隸
之鐵路并天津至保定府各鐵路不得入他人之手致妨礙中國北方鐵路利益等語臣等伏查天津至
保定府鐵路上年二月間准督辦鐵路大臣盛宣懷函據比國總工師稟以蘆漢鐵路未達海岸以致煤
斤材料轉運多艱應請展修津保枝路以利轉輸如准他商另闢此路則蘆漢北幹塊然中處必至所收
車脚不敷本惠實於大局關係極重應先准總工師一氣承辦以免他商攪混等情經臣復查該大臣所
請展修津保枝路實爲保全幹路利益起見遂以日後倘有他人請辦自當拒絕等語電覆在案現據袁
世凱等與英使會議章程將津保枝路訂入條款甫經奏准比國署使臣賈爾摩即來臣部辯論并執前
北洋大臣李鴻章照會爲憑其照會內載有將來自保定至天津如議另建枝路自應按照蘆漢鐵路原
定章程仍交比國公司承辦等語該署使臣復以有違前議照會到部并稱此事於上年十一月間照會
現署北洋大臣袁世凱在案將先後來往照會一併鈔送前來法國使臣鮑渥亦以成議在先堅執辯論

臣等竊維京津蘆漢均係中國自造之路彼此原無軒輊惟天津至保定一段有關蘆漢幹路轉輸並經
比國界使與李鴻章定議在先勢難中變相應請 旨飭下袁世凱等與英國使臣妥為商辦將第五款
展修枝路之議續行釐訂以免兩歧而維大局得 旨如所請行○外務部奏查吉林將軍長順等前奏
俄員請合辦吉林礦務議定草約摺內聲明請 旨飭下議和全權大臣及礦務總局速議覈覆等因光
緒二十七年三月初五日奉 硃批著照所請該衙門知道單併發欽此維時因東三省大局未定未暇
議及現在事機就緒自應照章覈議 臣等伏查吉省礦產富厚亟宜開濬利源第華商資本不敷舉辦尚
無成效誠如該將軍原奏所云專恃華股終難集事惟草約十四條語意簡略尚有應行聲明之處如第
七條載新採礦苗須指明地方段落約定界限再行開辦等語既云約定界限自應聲明指出礦地若干
處所除所指地段外華人自辦或願與他國人合辦均聽其便似此劃清界限則第一條不准他國人入
股一語係專指此次所言礦地界內而言俾將來不至有所牽混而外人亦不至疑其專利至原奏內稱
所有開辦詳細章程俟核定後再當隨時擬議奏明辦理又約內第八條載應商之件尚須俟查明開單
再議第十四條載以上所議章程須俟奏明奉 旨及咨礦務總局照准接到回文再行開辦各等語是
此次草約尚不能作為開辦之據相應請 旨飭下長順等與俄員切實磋商將原約第七條添敘明晰

并令指定礦地再與妥議詳細章程奏明辦理以期詳慎得 旨如所請行○甲午大祀 天於 闕丘

上親詣行禮○乙未諭國治必先查吏而取吏尤在勸懲各省分發人員例應督撫切實甄別原以考

查賢否分別去留法至善也乃近年各省期滿甄別類皆寬泛註考全數留補無一斥退者卽隨時甄別
如罷亦屬寥寥現在捐納保舉人員日見增多倍形擁擠巧黠之流紛紛賈緣奔競卽中材亦相率效尤
吏治之壞胥由於此亟應痛除積習以肅官方嗣後各該督撫務當破除情面嚴加考核自道府以至州
縣凡初到省必躬親面試其鄙俚輕浮者卽行咨回原籍其尙堪造就者均令入課吏館講習政治法律
一切居官之要隨時酌予差委以覘其才識期滿甄別一秉大公優者留補劣者斥罷平等者再勒限學
習均各出具切實考語不得仍前含混卽遇授實缺之捐納保舉各員亦應一律考試查看分別辦理毋
稍遷就職銜以仰副朝廷旌別淑慝澄清吏治之至意將此通諭知之○丙申諭軍機大臣等御史吳鴻
甲奏請裁併三庫並陳銀庫積弊及庫吏需索解費情形各摺片著戶部議奏○諭現在通商交涉事益
繁多著派沈家本伍廷芳將一切現行律例按照交涉情形參酌各國法律悉心考訂妥爲擬議務期中
外通行有裨治理俟修定呈覽候旨頒行○諭袁世凱奏官犯提罪潛逃請旨緝拿等語已革直隸總兵
營都司錫光係縱逃賊匪發往軍臺充當苦差官犯日久在逃未獲著步軍統領順天府五城御史正白

旗漢軍都統一體廢拿務稟究辦○戊戌諭李經羲電奏切懇陛見面奏等語前據該撫因病奏請開缺業經批諭賞假毋庸開缺昨據奏請陛見朝廷以地方緊要復諭以政要邊情儘可詳悉奏陳毋庸來見乃李經羲此次電奏有如果章奏有濟則在任宜言職陳久矣等語各該督撫辦理地方公事無一不由奏章即有所見亦准具摺奏陳乃謂章奏不能有濟殊屬荒謬並稱干涉嫌疑莫伸忱惻徒使國家異日之悔噫噫讀請詞涉要挾似此任意肆行紀綱何在李經羲著開缺交部議處○予故大學士李鴻章於河南建祠○外務部奏光緒二十八年四月初三日臣部奏請飭下督辦關內外鐵路大臣袁世凱胡燏棻將收回鐵路章程第五款屢修枝路之議續行盤訂等因奉 硃批依議欽此當經臣部咨行袁世凱等欽遵辦理在案嗣俄國使臣雷薩爾亦以原議章程殊多窒礙向臣等辯論本月初六日復據該使照會內稱章程第二第三兩款議設鐵路會辦一員應用英國武官凡各國武備載運等事均由其經理又德日日本亦可各派幫辦一人查此路本為匯豐銀行借款抵據故該行可派稽查進款之人該公司亦可約請英人辦事今會辦係屬武官則非此項人役可比兩國往來不能彼此自行辦事必以他國為介紹殊失自主之義俄國但知中國為自主之國固可與之徑行辦事至德日兩國均可派員於俄國猶未提及此事原非他國使臣所能越俎擅謀如以為委派幫辦一事必不可少則俄亦將索其應

有之極派一俄人於章程內英國索取枝路三條由北京至長城向北一段於俄國關係最重從前中俄
議辦鐵路時前任公使格爾斯接總署照會如中國欲由京城向北或向東北修造鐵路許與俄國議辦
不令他國官商修造上年華俄銀行請辦因中國擬自行辦理未蒙批准中俄和約甫定英國即將此路
訂入章程俄國不能不力為爭辯中英交路章程載明須各國公使允准方可施行俄一惟有不允此議
等語臣等伏查此次所議章程會辦武官係用英員各國駐劄武官遇有載運軍實等事均應先向英員
商辦恐他國有不能相下之勢俄使願與中國徑行辦事不願由英國轉達自屬正理至索派俄員祇為
抵制之語其意仍在交還鐵路以後統由中國管理此時若僅事遷就調停日後恐轉滋齟齬其所稱長
城向北枝路一節查二十五年四月間中俄議辦鐵路時俄使格爾斯請將東省鐵路通至北京迭次爭
論經總理衙門覆以如中國欲由京城向北或向東北俄界修造鐵路除用中國款項及委員自行造路
外設有他國商辦造路之意必先與俄商議斷不允他國或他公司承造等語照會該使上年華俄銀行
環科第稟請承辦由北京至張家口鐵路經臣部以該處地方如果將來商務興旺由中國自行籌款辦
理礙難准如所請劉環科第各在案是此段鐵路既定自行籌辦自未便訂入章程致貽口實相應請
旨飭下袁世凱胡燏棻按照俄使所稱各節歸入臣部前奏一併與英使妥商續行釐訂章程以期妥

搶得 旨如所議行○己亥以林紹年爲雲南巡撫趙爾巽爲山西布政使○庚子諭軍機大臣等平定
粵匪擒匪回匪方略前由外務部刊印現在所存尙多著賞給御前大臣軍機大臣總管內務府大臣南
書房上書房大學士各部院尚書左都御史及各省將軍督撫每人各一部署外務部侍郎那桐聯芳加
恩各賞給一部卽由外務部頒發○頒給上海虹口成忠蒙學堂匾額○辛丑外務部奏准軍機處鈔交
吉林將軍長順奏鐵路公司議辦煤礦訂立合同一摺光緒二十七年十月二十一日奉 硃批外務部
知道單併發欽此查原奏內稱目下吉林界內鐵軌已通火車暢行以商民所開煤窖尙少難以敷用悉
砍林木代煤不特難資經久且將通省林木悉作火柴亦於地方有損是以俄總監工茹格維志前遣其
代辦邊爾來省請在附近地方開挖煤礦以保林木當以煤爲鐵路必需之物不得不允其開採現與
訂立合同十二條彼此畫押存查等語臣等伏查此項合同已經盛京將軍與俄監工按照訂立奏交臣
部核覆經臣等以合同第二條所載鐵路兩旁三十里外之煤礦漫無限制請將該合同無庸置議應令
與俄監工另議辦法就三十里爲限并聲明三十里以外無論何人開採煤礦該公司不得與聞業於本
日議覆增祺等摺內請 旨飭遵伏候 命下由臣部咨行吉林將軍一體遵照辦理得 旨如所議行
○壬寅諭向來內外大員之兄弟子孫每屆五年查辦一次挑選侍衛拜唐阿差使自光緒二十二年查

辦後迄今已逾五年又應查辦之時惟念該大員之子弟或身弱馬步平常或自幼讀書一時不能學習馬步騎射即挑選侍衛拜唐阿亦不能得力自應酌核變通辦理嗣後在京文職三品以上武職二品以上外任文職自總督至按察使武職自將軍至提鎮該大員之兄弟子孫年已及歲如願挑侍衛拜唐阿者該大員報明本旗由該旗造冊咨送軍機處彙奏圈出者帶領引見倘身弱有疾馬步平常不願挑選者以該大員即行據實報明該旗轉行軍機處聽其自便該旗亦毋庸行催挑選以示教養旗僕量才器使之至意○諭京師地面亟須整頓著派肅親王督善營修街道工程並管理巡捕事務該親王務當悉心經畫認真辦理以副委任○以書畫爲步軍統領○外務部奏查出使章程奧國以駐俄使臣兼充義比兩國以駐英使臣兼充歷由臣衙門奏請 簡派原因訂約之國日多勢難徧遣專使是以酌量簡從機辦理而該三國均先後遣使來華交際情形近益加密每以中國使臣尙係兼攝不無缺望上年和約甫定義國使臣薩爾瓦萬比國使臣姚士登即均請派駐使經臣等商允各派參贊一員駐紮遇事徑達臣部當經附片奏明並電知羅豐祿派員前往該兩國仍請由臣部給發文憑不歸駐英使臣兼轄本年正月間又據奧國使臣齊幹爾轉奧介德法之問立國最古前簡專使駐京中國未能照辦去歲回國時政府諄囑到京商懇請 旨另簡專員駐紮奧國實爲幸甚等語現義國使臣噶慈納比國署使臣賀爾

牒亦復屢申前請等伏維泰西通例以遣使往來爲重奧本歐洲強國豈與會盟義爲羅馬諸邦夙稱文物比亦以製造精良請求商務近來蘆漢鐵路即臨承辦該三國使臣皆因國體所關不欲相形見絀懇請中國遣派專使駐其國都彼此益敦和好等仰體朝廷德意擬請旨簡派分駐奧義比三國使臣各一員以觴邦交而重使事謹將中外臣工保舉使才員名暨臣部左右丞左右參議照政務處會議章程一併開列分繕清單恭呈 御覽伏候 命下等即將出使事宜查照奏定成案欽遵辦理允之○命許珏充出使義國欽差大臣楊兆璽充出使比國欽差大臣吳德章充出使奧國欽差大臣○外務部奏等前因使費支絀力求撙節當經酌定章程於本年二月初八日開單具奏奉 旨允准在案此次請簡使臣分駐奧義比三國交涉尙不過繁經費自宜從省等公同商酌除使臣仍應列爲二等以符體制外擬請每館准設參贊翻譯隨員等不得逾四員俸薪用項每年各准支銀三萬兩其駐英使館原定每年支銀十二萬兩本兼義比分館在內今減去四萬兩應准支銀八萬兩奧國本無參贊分駐駐俄使館原定支銀六萬兩無庸再減均令撙節動用照章按年造報以資周轉而歸核實如蒙 俞允等卽行知各該大臣遵照辦理得 旨如所議行○癸卯諭肅親王替耆昨已補授步軍統領諭令整頓地面一切事務殷繁開去鎮紅旗滿洲都統並毋庸管理僅銳營事務○甲辰調榮祿爲鎮紅旗

滿洲都統溥倫爲正藍旗滿洲都統以奕謨爲正黃旗蒙古都統○戶部奏光緒二十八年四月初六日
軍機大臣面奉 諭旨御史吳鴻甲奏請裁併三庫並陳銀庫積弊及庫吏需索解費情形各摺片著戶
部議奏欽此欽遵由軍機處鈔交到部查原摺內稱三庫竊弊以銀庫爲最甚庫中一缺任滿輒挾資數
十萬員外郎以下次之此款率取之庫書之手庫書之下有庫丁又有保護庫丁者無不以財自蒙則庫
丁庫書得贓之多可想上年庫房悉燬戶部備設北城所積帑餉惟添派漢司員數人助司完鑰雖事屬
權宜尙無弊竇向時庫書庫丁等人一概未用此正廓清積弊之時所慮戶部工竣之後一切規復舊制
或且舉二百餘年之蠹弊而盡復之應祈 宸衷獨斷舉銀庫郎中等缺立予裁罷以管庫之任責成戶
部堂官擇本部滿漢實缺郎員資深而靜養者遞司其事作弊之人悉出則作弊之法悉除又片奏外省
餉員到京不敢遽投公文必先尋銀庫書吏請明規費交訖後定期收納如未釐所欲必守候多日及收
納之時又上下其手每和千金輒補數十兩若內務府等衙門則規費無定需索吏苛委員搭解此項銀
兩奔走關說尤以爲苦部庫苟能整頓應先禁解餉案費及入庫浮補之弊內務府等經費各項雜款銀
兩可否 飭下各省悉交戶部收兌由該衙門隨時赴部支領以歸畫一各等語 臣等伏查銀庫額料庫
緞疋庫原隸於戶部其每年出入數目及折價銀數 臣部本有總核之責故 臣部左侍郎例管三庫因另

有簡派大臣管理是以一收一支向由三庫專司其事未嘗概歸臣部經理前年聯軍入城佔據銀庫不得已將京餉等項暫在臣部公所存儲卽派臣部司員經營從前庫書庫丁一概未用所有銀庫收支各項及收發文批搬運餉鞘等事卽督飭司員跟同胥手差役辦理自經營以來收支相符實存無虧尙約盈餘三萬餘兩該御史所稱尙無弊實情有可徵現在臣部衙署修齊庫工亦將告竣前係權宜管理仍須照舊移交竊慮交收以後難保不藉弊復作臣等正詳慎會商設法整頓間適有御史吳鴻甲奏併三庫之奏竊維三庫積弊銀庫尤甚盡人皆知皆由庫書之需索庫丁之偷竊該御史請作弊之人去則作弊之法除誠爲扼要之論方今時艱款絀籌餉萬難既概絕瞻徇亟清宿弊尙恐難資挽救何堪稍涉遷就再容營私舞弊之人暗蝕國帑理財爲臣部專責整飭部庫尤爲理財總務臣等不敢引嫌亦不敢避懇應請准如該御史所陳卽將庫書庫丁悉數革除並將銀庫郎中等缺裁撤所有銀庫一切事宜統歸臣部遴派妥員經理以專責成如蒙諭旨允准再將裁併各節詳細籌畫安定章程奏明遵辦再顏料緞疋兩庫存儲物件無多有咨取顏料緞疋者率係折價放給尤多不實不盡之弊現在既擬將銀庫歸併臣部亦擬將顏料緞疋兩庫一體裁併嗣後除常供上用各件外凡各處咨取之件如查明並無存儲均按照市價折銀給發以昭核實而省周折至內務府等衙門兌收經費雜款有無需索規費應

由戶部節錄該御史原奏知照該衙門自行查明辦理 上諭戶部奏遵議裁併三庫請旨辦理一摺三庫積弊已深庫帑庫丁弊端尤甚亟應實力整頓著如該部所奏即將三庫郎中等缺裁撤凡庫帑庫丁悉數革除一切收支事宜統歸戶部堂官一手經理以專責成毋庸另派三庫大臣管理所有未盡事宜著該部詳晰核議妥定章程奏明辦理○乙巳諭由進士出身之滿漢侍郎內閣學士三品京堂及四五品京堂內未與考試差書著於本月二十八日在上書房考試其不願赴考者聽仍向禮部聲明於開列考官時扣除○丁未諭朕欽奉 慈禧端佑康頤昭豫莊誠壽恭欽獻崇熙皇太后懿旨原任大學士李鴻章忠勳久著節終之典前已迭霽恩施現在靈柩回籍有期朝廷愷念前勞倍增悼惜著派醇親王載灃先期前往致祭伊子李經方加恩著以四品京堂候補用示篤念遠臣有加無已之至意○以繼祿爲正紅旗漢軍副都統○張之洞等奏查光緒二十六年北地拳匪滋擾猝發兵端京津戒嚴東南因之震動沿江一帶伏莽潛滋到處思逞中外商民紛紛遷徙一夕數驚各國復徵兵調艦聲稱保護商分布各口倉皇擾攘互相疑懼內外交訌辦理甚形棘手適奉 諭旨責令各省將軍督撫相機審勢保守疆土臣等兩電交馳妥議互保之法以臣宣懷久駐上海與各國領事聯絡有素督同前江海關道俞聯沅妥籌商辦各領事因與駐京使臣聲應隔絕電經本國外部給予辦事之權彼此再三晤商堅明約

東訂定上海租界由各國實力保護長江及蘇浙等處內地均屬各督撫實力保衛兩不相擾以保全中外商民人命財產爲重江海口岸各國祇酌派一二兵輪以安洋商之心至各路礮臺及製造局等處來往游弋駐泊均能奉約維護一切防守事宜並經上等妥爲布置處以鎮靜各處土匪滋擾立即剿滅遇有交涉委曲商辦各領事亦均能和衷共濟深信不疑歷時數月倖免釁端事後追維實非始料所及等受 恩深重各有應盡之責而各領事始終協助得以轉危爲安實屬力顧大局茲將各洋員銜名冊具清單恭呈 御覽合無仰懇 天恩俯准照例分別賞給寶星以酬勞勩得 旨著照所請外務部知道單並發○戊申劉坤一等奏江蘇自道員以下請停分發二年九之○庚戌奎俊電致外務部據安岳縣唐枝中稟報縣屬楊家壩地方拳匪楊祖平等將同鄉居住之教民楊紹榜等八名平民百萬得等三名一并殺斃並傷教民教婦十人該縣聞信馳捕當場格殺一匪獲首要楊祖平等八犯教堂醫館並無損壞司鐸畢伯祿亦經團保護送入城等語查該匪楊祖平等因習神拳邪術輒敢戕殺民教多命實屬窮兇極惡自應儘法嚴辦以儆其餘該縣唐枝中雖將首要各犯立時獲案而未能先事查拿究屬疏忽應請撤任勒緝乞代奏 上諭軍機大臣等募民傳習邪教煽惑鄉愚最爲地方之害著奎俊飭屬迅即嚴密訪拿認真查禁務期淨絕根株以遏亂萌毋稍大意至此案首要各犯楊祖平等戕害教民多命實

屬窮兇極惡審實卽行正法仍將餘匪緝拿務獲懲辦教民楊紹榜等無辜被害卽妥爲撫卹該縣唐枝中雖將首要各犯立時拿獲究未能先事豫防著照所請撤任勒緝○理藩院右侍郎會章因病乞休允之○辛亥以英慈爲鑲紅旗漢軍副都統○以儒林爲理藩院右侍郎○以錫良爲熱河都統○調張人駿爲河南巡撫以周馥爲山東巡撫○調吳重熹爲直隸布政使以李有榮爲江甯布政使○外務部奏臣部於光緒二十八年二月初八日具奏酌定礦務章程一摺本日奉 硃批依議欽此欽遵由臣部照會各國使臣并通行各直省一體遵辦在案旋據各國使臣照覆均將礦章轉達各本國政府其文內祇陳大概祇言抽稅太重恐將來礦務未能興旺此外并無指駁之處現據商約大臣呂海寰盛宣懷來電謂馬凱以礦務新章無論華人洋人均可開辦遂據爲洋人入內地貿易居住之證復據南洋大臣劉坤一電稱前定礦章本須華洋股各居其半方准開辦新章洋人亦准承辦得以藉口自應遵照舊章必須華洋各半仍由華商出爲領辦又湖廣總督張之洞電稱開礦新章運言洋人可開礦必應改訂各等語臣等伏查近年各省華商承辦礦務名爲籌集股本其實仍係洋商串通包辦弊難究詰此次所訂新章無論華洋商人均可承辦原期開濬利源不分畛域惟洋人來華辦礦仍須稟明地方官咨由臣部核准後方可爲准行之據新章第五條內固已切實聲明地係中國之地舉辦係由中國准行無論何人承

辦均應遵守中國定章是於推廣之中仍寓限制之意并非洋人承辦即可任便自爲礦師入內地辦礦不過與鐵路工程師辦路相同以視內地雜居貿易情事迥殊況礦務係中國主權定有專章尤與商約無涉何得牽連影射馬脚藉端援引自當力駁其非堅持不允至礦稅輕重如將來有應行變通之處再由臣部隨時體察情形奏明辦理得旨如所議行○壬子錫良奏河南白道府以下請停分發三年允之○癸丑諭軍機大臣等有人奏川省飢饉盜賊請飭嚴課吏治一摺據稱四川吏治之弊皆災諱盜相習成風藩司員鳳林不甚留心吏治成都府阿麟祖庇屬吏坐視不問前署遂寧縣徐樾酷刑諱盜請飭查參等語川省民情浮動盜風甚熾全在地方官認真辦理以期除暴安良著奎俊按照所指各節確查具奏另片奏知州周榕楊燮吉鄧毓珉高汝幹魏時昌羅楨等六員貪劣異常請嚴行查辦治以應得之罪等語著一併確查據實覆奏毋稍瞻徇原摺片均著鈔給閱看將此諭令知之○命肅親王壽善爲御前大臣○以慶福爲泰甯鎮總兵兼總管內務府大臣○以馬維騏爲廣東陸路提督卹德浦爲廣東潮州鎮總兵○甲寅諭朕欽奉慈禧端佑康頤昭豫莊誠壽恭欽獻崇熙皇太后懿旨順天府奏候補三四品京堂李經邁之生母李莫氏捐助學堂經費請予獎敘一摺李經邁之生母李莫氏著加恩賞給正一品封典以示嘉獎○升允奏查光緒二十六年七月間陝西甯條梁地方蒙人鬧教一案去夏經奴才

派員會同綏遠城將軍所派委員暨蒙部各員與該處教堂議和往返籌商磋商再四開議逾月始獲辦
結計此案焚燬教堂四處教民房屋六百餘間傷斃教士一人教民十人掠取教堂及教民器物糧石牲
畜等件爲數頗多議定不戮一人共賠償銀十四萬兩又烏審旗歷年舊案三旗另賠銀三千五百兩歸
入此案並結一了百了均不得復有違言其賠款應由鄂托克扎薩克烏審三旗分攤鄂托扎薩兩旗或
卽時措交現銀或以牲畜地畝作抵惟烏審旗素稱貧瘠無款可籌因以大淖爾池暫作教堂一面設法
出租上年十月臘月本年三月三期籌款贖淖爾池期如辦無端緒教堂仍按三限索銀決不將淖池收留
當經該委員等同蒙旗及教士會議條規妥立和約所有永無翻悔甘結存案此起初蒙洋議和之大概
情形也嗣因招商認租淖池日久無人承領而十月限期已迫因札飭延榆綏道酌量妥籌如招商甚難
卽以大淖歸俄俄代墊出賠款旋據延榆綏道稟稱已由綏遠委員招來晉商王同春惟一時無此鉅款
擬按四年分繳後據駐劄神木部員明祿咨稱淖池歸王同春承辦其銀由王同春分期自交洋堂現已
互立約據等語奴才以爲償款既有著落自可相安無事乃今正接閱該處教堂來函謂去冬蒙旗應繳
之銀一再延期欲將淖池出租王同春此人最不安分與教堂頗有宿怨果爾當極力阻擋並云第三
期如不將款交清彼時斷難應允奴才竊維此次蒙洋構衅幸經派員議款復歸於和倘因該旗籌款無

從致敗責言彼直我曲其將何術以解且王同春既爲教堂指摘又無現銀持交自不能令其承辦蠡池
免生枝節當飭司籌款五萬餘兩委員解赴榆林於三月限期內如數交妥該處教士核收贖回渾池歸
官開辦良以大渾產蠡最旺在公家既非虛擲黃金洋堂賠款繳清在蒙旗亦可如釋重負兩有裨益是
以毅然行之此代蒙籌款結案之實在情形也茲據駐紮神木部員明祿來文據稱王同春係該員招來
即使洋款定須一時清還不允四年分期亦應婉勸教士由從何得速歸官辦此皆綏遠委員佐領扎拉
璽阿體恤干預又以小石礪地方許給洋堂必暗激成禍變合先陳明以免明祿將來獲咎等因接閱之
餘不勝駭異查佐領扎拉璽阿乃奉委專辦此次教案之員凡放地籌款各事宜是其專責何得謂之干
預蠡池既可歸商何獨不可歸官以鉅金濟蒙之急蒙人有何不利至小石礪地方乃上年會租與洋
堂之地業經咨明外務部在案此時自應指明地段界限勸諭各蒙民遷徙以期彼此相安何得遽食前
言任意撓阻明祿因渾池未歸王同春承辦輒牽引蒙教相仇大禍卽在目前等語希圖挾制殊不知教
堂所切齒者專屬王同春一人若復用之適以挑釁教之覺明祿憤憤乃爲之力爭奴才固不敢謂其必
受王同春賄賂故聽該商把持而其徇私忘公危言聳聽實屬昧於情勢不顧大局際此蒙教猜疑未泯
該員不思彈壓調停以期釋嫌敦好萬一因民之怒激成事端其患何堪設想焦思再四惟有請 旨飭

下理藩院將駐紮神木部員明祿速卽撤回以弭隱患。有明祿著卽撤回該衙門知道餘依議。○乙卯袁世凱奏威縣土匪倡亂迭經官軍擊散謹陳近日辦理情形得 旨著卽督飭開導鄉愚毋被煽惑並嚴諭各屬地方官勤求民瘼加意撫循是爲切要。○戊午諭袁世凱奏查明疏防文武官弁分別參劾一摺管帶大名練軍參將馬振武駐防廂宗乃匪首景廷賓由該縣東召村逸出復在鉅鹿嘯聚滋事該參將毫無覺察又不跟蹤搜捕迅往撲滅實屬庸懦無能著卽革職永不敘用署順德府正任河間府知府如松於已革署廣宗縣知縣魏祖德擅自派捐物議沸騰並不據實揭參追親赴廣宗查辦復不能體察情形豁免捐款仍諭令減數交納疲玩顧罔不知政體著卽行革職署鉅鹿縣正任阜城縣知縣王伯鵠當匪首景廷賓在該境傳帖聚衆之始不敢出城曉諭解散致使匪蹤日熾釀成鉅案開缺另補之威縣知縣程之翰於匪徒拆毀教堂不能保護法教士羅澤浦道出該境又復疏於防範以致被匪戕害著一併革職署廣宗縣知縣趙鐸於匪徒屯聚縣境不能設法解散咎有應得惟據稱到任未久事後隨營辦匪亦頗出力尙知愧奮著撤任摘去頂戴廣平府知府岑春煦有管轄之責亦難辭咎惟據稱平日頗有政聲亦無縱匪情事著卽撤任以示懲儆餘著照所議辦理

五月庚申朔 上御乾清宮俄國書理勒親王覲見○諭軍機大臣等有人奏州牧苛斂民財控案多端

請飭查辦一摺據稱直隸涿州知州李振鵬在任多年貪劣素著前歲拳匪之亂藉端勒索枉殺無辜並有加徵船稅隱匿地糧情事請飭查辦等語著袁世凱按照所參各節確切查明據實具奏毋稍徇隱原摺著鈔給閱看將此諭令知之○裕德等奏遵查扎薩克圖郡王烏泰燒被參控各節訊明擬結暨該旗並科爾沁鎮國公旗被匪情形得旨烏泰著革去扎薩克職台吉巴圖濟爾噶勒革去協理職均暫行留任三年以觀後效餘著照所議辦理該衙門知道單併發○辛酉諭陶模等奏知縣虧短庫款捐項請旨辦理等語已革廣東海康縣知縣朱念祖徵存正雜款項五千二百餘兩又經勸賑捐應繳捐項均未解繳迭經該督等勒限嚴催延不完解又復潛回江西原籍竊贖玩朱念祖著卽緝拿解粵監追並著江西巡撫查明該革員原籍資財家產抄封備抵以重公款該部知道○命頭等台吉宗祐在乾清門行走○壬戌陶模等奏查巡檢一官有緝捕巡查之責粵省沿海各州縣幅員遼闊往往鞭長莫及各巡檢分司其地實有專歸於民事較易覺察所有原設新安縣九龍司巡檢吳川縣礪洲司巡檢遂溪縣湛川司巡檢各一員均係外調要缺自英法兩國暫租九龍廣州灣爲租界三巡檢所轄之地多在租界之內粵中民俗强悍會盜各匪以附近租界地方爲進逃淵藪防緝尤宜認真惟今昔形勢稍異從前兇僻之區今或變爲衝途必須體察情形變通辦理臣等督同司道詳加察看查有吳川縣之塘邊屯白縣之水

東合浦縣之瀾洲墩各地方或地處偏僻盜匪匿跡或瀕臨大海民教雜居均與各該縣城相距甚遠若非移設專員駐紮則巡防彈壓難免疏虞應請將吳川縣瀾洲司巡檢移設該縣屬之塘墘地方名曰塘墘司巡檢仍隸吳川縣管轄遂溪縣湛川司巡檢移設電白縣之水東地方名曰水東司巡檢改隸電白縣管轄新安縣九龍司巡檢移設合浦縣之瀾洲墩地方名曰瀾洲墩司巡檢改隸合浦縣管轄各缺仍照舊例定爲外調要缺現任各員仍飭照舊供職毋庸撤回另補並飭暫租民房作爲公所俟庫項稍裕再行給款建造衙署缺內額設俸廉役食等項悉仍其舊隨缺開支亦毋庸另爲增減其九龍等司巡檢原轄地方因有不歸租界者應飭新安等縣查明分別歸連界之巡檢典史管轄以專責成由藩臬兩司飭據各府縣查明詳請具奏前來臣等覆查無異相應請旨將吳川縣瀾洲司等巡檢分別移設以資巡緝下部議奏○癸亥寶授袁世凱直隸總督兼北洋大臣○長順等奏三姓所屬旗民丁佃承種大田因兵燹後復被賊擾以致秋成歉薄請將應徵帶徵銀穀租賦援案懇請展緩交納允之○乙丑諭軍機大臣等有人奏特參勘荒大員請旨查辦一摺據傳盛京工部侍郎鍾靈勘丈西流水荒務任意剝民致釀人命復有納賄縱勇情事等語著增祺按照所參各款確切查明據實具奏另片奏該處新設捐局多立名目民不堪命請飭裁撤等語並著體察情形酌核奏明辦理原摺片均著鈔給閱看將此諭令知之

○魏光燾奏粵邊游匪蔓延有年滇省南疆開廣各屬緊與毗連地多煙瘴歷辦防堵習用廣卒制簡餉薄遷就因循積弛之餘馴致匪與兵民混而為一而等察悉情形即擬嚴查保甲撤換廣勇以靖亂源次行堅壁清野之策以遏其流因於上年秋盡瘴患之時派撥省防綏靖各營前往替紮並增立團營輪委分統暨前敵營務處署廣南府知府等員會同切實舉辦冀俟防定悉將舊日廣勇分別調離遣散業經奏報在案乃兵甫到邊適廣西提督蘇元春調任湖北所部或潰或逃未收鎗械向串游匪勢頗張客臘中旬乘綏靖中營到防喘思甫定連行竄擾剽掠迫該管分統劉萬勝集兵進剿匪復逸散等特派開廣道劉春霖親赴廣南察看布置據稟防游匪前策實不可易而辦理猝難就緒沿邊千餘里兵力既難遍布乘間蹈隙匪常亟肆疲我現僅止礮併禦仍須散給民間鎗械俾各據險要人自為戰村自為守然後游擊之師可以星馳電赴不虞落後以居守有定之民制飄忽無定之匪較為得力當經批准查照辦理并先後札飭李德泳白金桂等添募常備三營助防正在竭力經營之際據前敵分統事務處及地方印委等呈報三月初八日匪由粵邊糾集大股竄擾販朝四路環攻駐防該處之綏靖右營鄧秋高左營田慶傑兼帶團營署富州通判王正雅分途迎敵力戰三晝夜匪眾數千裹脅益眾數處近萬蔓延將及百里多發無煙鎗礮兵團傷斃四百餘人管帶鄧秋高及哨弁三員先後陣亡王正雅左踝前胸亦帶

重傷十一日遂致敗朝失陷營圍退保薛驥先是該管分統劉萬勝於初九日聞警調派白金柱鍾春芳
平德冰等營往援白營與匪酣戰連敗朝後山該處業已不守李營鍾營皆中途遇匪接戰嗣聞敗朝已
失薛驥尤等亦經該分統調回營屬扼匪上竄竄一面合隊進圍規復中等伏查匪眾恃其林深薈密
伺間起伏出沒旋聚旋散本其故智前既分撥小股竄擾剽隘茲復麇集大股竄擾敗朝實欲百方撓我
撤換粵勇堅壁清野散械嚴防之局滇中餉絀兵單前此匪蹤散漫並無大股可剿惟就現有團防分布
冀以漸次清釐未議增兵今事不獲已業飭副將蘇福元知縣龍濟光各選募耐瘴新兵兩營共合千人
暫駐開化相機迅速援剿並遣弁分赴馬龍彌勒各處招募土著壯丁千人來省督練預備後路援應一
面嚴飭前敵防團各營整飭激勵迅圖規復俟新募各營已立如果匪蹤未衰應即電商現署雲南提督
蔣宗漢督率親臨前敵並會合黔粵兩省防軍痛加剿洗務淨過氛得旨著即懷遵前旨認真剿辦務
令淨絕根株以靖地方鄧秋高著交部從優議卹餘依議○丙寅予故吉林將軍延茂於吉林建祠○戊
辰上詣大高殿祈雨○己巳外務部奏光緒二十八年二月初五日准軍機處鈔交雲貴總督魏光
燾等會奏法員來滇辦礦現與議定章程一摺奉硃批外務部議奏單一件片二件併發欽此當經臣
等查照該督等原奏先將辦礦章程悉心查核仍俟該省勘定礦嶺奏報到日再行一併議覆等因於本

年二月二十六日附片奏明奉 硃批知道了欽此欽遵各在案臣等伏查滇省原訂章程經魏光燾等與法員燭樂石磋商數月始克定議如原奏內繕陳商議情形兢兢焉以防患保權均利三事爲滇省所必爭洵爲扼要之論以全滇礦產允給英法公司專辦恐他國有所藉口勢必相率效尤臣等詳核章程正擬咨商駁改適法員燭樂石由滇入京向臣部催訂合同當告以礦地未定未便先議章程應俟礦師在滇勘明礦廠由滇省開單奏咨到日再行核辦燭樂石則謂全滇礦地非一二年所能勘徧未經定章以前該公司豈肯輕擲鉅貲聘請礦師往勘臣等堅持初議不准遽辦全省迭次磋商燭樂石始允指激江臨安開化雲南楚雄等府及元江州永北廳凡七處載入章程第一款內將原議嗣後別國公司概不准來滇辦礦改爲嗣後別國公司概不准在該公司所指之地勘探以清界限燭樂石又恐所指地段未必均有礦產如無礦可辦仍請另擇一處互抵並將來辦有成效應請逐漸推廣臣等核其所擬辦法尙屬可行故於第一款內敘明准其互抵惟先後統計仍以不得逾七處爲率除此之外俟各礦開辦有效稅數報効並無短絀方可推廣辦理蓋既破其專利之計自不得不量予擴充燭樂石又以原議包辦全省礦利較豐故願歲繳京銅一百五十萬斤並津貼員弁兵勇護廠銀二萬兩現既改爲七處應請減去京銅三分之二並免繳津貼銀兩臣等以京銅係解部要需保護礦廠亦在在需費未便遽議減除再四

磋商彌樂石仍以體恤商情爲請始與議定歲繳京銅一百萬斤贖廠費用由公司給發不拘定二萬兩之數電商演督等均無異議即將原議第六款第十二款照此改定又於十八款內添敘弁勇費用由公
司給發惟該款原議公司可在附近地方招募土勇遴選中西武官各一員會同管帶現改爲公司可稟
請地方官在附近地方招募土勇遴選武官一員管帶以杜爭競干預之弊其餘均已逐款推敲以期妥
洽謹照錄章程恭呈 御覽如蒙 俞允卽由臣等派員與彌樂石畫押並咨行雲貴總督等遵照辦理
得 旨允行○辛未雨○壬申諭軍機大臣等自和約定後各省分派償款或攤賠教案皆屬萬不得已
之舉朝廷念切民依常深矜憫倘各州縣能盡心體恤斟酌情形妥爲經畫何至抗拒滋事之案層見疊
出推原其故總由不肖州縣挨戶攤派甚或侵蝕入己而劣紳吏胥需索中飽均所不免小民無辜何以
堪此著各該督撫體察情形核實籌辦務將捐數明白頒示民間知有一定數目官紳不得從中朦混使
蝕庶免勒捐浮收等弊以恤民隱而濟時艱○諭軍機大臣等有人奏廣宗之亂實由已革知縣魏祖德
派捐激變請飭訊取確供按律治罪等語著袁世凱嚴切查明據實具奏毋稍徇縱原摺著鈔給閱看將
此諭令知之○劉坤一等電致外務部江蘇米價昂貴民不聊生懇請借撥平糶以資民食乞代奏 上
諭劉坤一等電奏悉該省米價騰漲准動借漕米十五萬石減價平糶用示體恤新米上市著卽如數買

運起運交倉以重根本不准延誤○癸酉諭軍機大臣等有人奏各省衛所屯田請飭清查繳價以裕國帑一摺據稱各省屯田半係民戶頂替其私售價值約得民田常價之半現在衛所既已裁撤若將屯田一律清查可得鉅款於籌餉大宗不為無補等語著各該督撫迅即認真清查分別妥籌辦理詳晰具奏毋稍延宕原摺著鈔給閱看將此通諭知之○諭軍機大臣等有人奏淮北鹽務向歸運判辦理監掣同知一缺久成虛設請旨裁撤等語著劉坤一確切查明據實具奏原片著鈔給閱看將此諭令知之○諭軍機大臣等有人奏請修江蘇常州鎮江河道一摺據稱常鎮兩府河道為南北咽喉要路近因年久失修泥沙淤墊行旅苦之請旨飭修等語著劉坤一恩壽按照所陳各節體察地方情形酌核具奏原摺著鈔給閱看將此諭令知之○諭宗人府奏已革莊親王等所遺爵職其子孫應否准其入選請旨一摺朝廷恩篤懿親自不能以其後人得罪除其先世之封爵惟已革莊親王載勛已革端郡王載漪已革怡親王溥靜已革貝勒載瀝載澄貽禍國家獲咎尤重應否准其承襲著宗人府於近支宗室內揀選開列帶領引見候旨定奪已革輔國公載瀾係由鎮國將軍晉封不入八分輔國公業經革去爵職應毋庸揀選承襲○諭袁世凱奏廣鉅兩縣被旱被擾請緩錢糧差徭一摺本年入春以來直隸廣宗鉅鹿一帶雨澤稀少禾麥被傷收成減色境內各村多被匪擾耕作失時若將錢糧差徭照常徵收民力實有未逮加恩

著照所請所有該兩縣本年上忙應徵錢糧並徭無論成災與否一律緩至來年麥後徵收以蘇民困此
外鄰近州縣有被旱被擾應行緩徵徭賦者著一併查明覆奏該部知道○甲戌 上諭 大高殿報謝
○予浙江仁和縣節婦周姚氏旌表○丙子大祀 地於 方澤 上親詣行禮○丁丑諭軍機大臣等
有人奏湖北蘄州知州凌兆熊疏懶糊塗信任丁役積壓公事縱盜弛刑以致持械搶劫之案層見迭出
請飭查參等語著張之洞端方按照所指各節確切查明據實奏毋稍徇縱原片著鈔給閱看將此通
諭知之○諭軍機大臣等有人奏著江西南贛鎮總兵申道發貪殘狠鄙欺罔冒功並有縱容子弟朦混
列保剋扣軍餉情事等語著李興銳按照所指各節確切查明據實參奏毋稍徇縱原摺片著鈔給閱看
將此諭令知之○升允奏 奴才前與護理撫臣李紹芬會商擬將陝省應裁營勇改充屯丁以興河套地
利於上年九月初八日合詞奏懇奉 硃批著照所請該部知道欽此○前護理撫臣李紹芬未及懇辦旋即
卸事奴才於今正回任以來首以興屯為急務誠念時艱款絀勢須節餉裁兵惟有速行屯田尚得寓兵
於農之遺意第耕作非軍卒所習河套又遠在北邊若從彼處發端不如由近及遠庶幾行之有效風氣
漸開然後人情不至疑阻 奴才諷之保屬參以輿論查得西安所屬除將軍馬廠尚須會勘外其由草灘
至咸陽一帶舊有督協兩標馬廠可墾之地甚多委員確查履勘共得荒地一萬一百三十餘畝可作水田

書約四分之一當卽派撥步隊三旗合力開渠分段承墾惟時節令甫屆春分飭其及時播種並嚴申優
佔之禁明定懲勸之方數月以來兵屯頗爲奮勉奴才旋卽輕騎親赴屯所巡行周視見其慷慨盡關疆
界以分其地北濱渭河西臨灃水引灌入渠蜿蜒三十餘里溉田之餘洩之於渭東西渠口設閘啟閉有
濯溉之利無漫溢之憂但使三年以內旱澇無聞荒廢之區不難變爲沃壤又北山之宜川甘泉西路之
邠州長武永壽等州縣荒地頗多但地氣較寒距河又遠可種旱田難興水利卽飭駐紮該處之防營兩
旗步隊各就防地左右分撥試墾並擬俟延榆綏道賡金清赴任後飭令與該旗議定地租移軍屯墾則
河套一帶必能逐漸推廣以盡地利而符原奏至此次辦法約分數端一曰明定課程養兵既苦糜餉故
授以田疇歸農又患無兵仍督之操練兼斯二者是爲屯軍每營官一員給地六十畝幫帶四十畝哨官
二十畝勇丁每名十畝無事則自食其力有事則捍衛地方耒耜干戈不可偏廢春耕秋穫農隙調操儼
惰獎勵以收兵農合一之實效其附近屯所一切巡守緝捕等務仍令兼顧不得推諉一曰寬給資本闢
墾之始所需牛具籽種爲費不貲每田百畝借給官牛二頭籽種市斗三石一切田器發價置備均責成
營官哨長連環具結向農務局保領限令一年還半二年全還遇有收成荒歉屆時酌量緩繳如或逃虧
無著卽令保領人認賠以重公款一曰分年節餉試墾之年牛籽器器尙須公中借給勢難責其枵腹躬

耕故第一年常餉應仍照發迨至狼糧成熟先繳牛籽農器官本一半所留贏餘爲次年耕種資本至第二年常餉即可減半發給收成後再使繳充官本一半倘能二年豐收則第三年資本充裕官本亦無帶欠便可全裁常餉屯丁有業司守安土之心自堅一曰定限升科查馬廠本係標營公產向免糧賦第四年營屯開熟擬定水田一畝歲納正供錢一百五十文標營地租如之旱地一畝歲納正供錢一百文標營地租亦如之均由地方官分別收解不得額外需索至民地例派差徭此係兵屯尙須効力公家自應永遠免徭用示區別以上四條規模粗具惟是創行之始百務艱難必須因地制宜不敢謂一成不易將來如有應行變通之處再隨時奏明辦理特就馬廠荒地而論屯田一事無慮扞格不行約計數年之間應裁各軍可期一律化爲屯勇無養兵之費而有可用之兵其成效固可逆覩得旨著照所議辦理務當認真督飭寓兵於農仍隨時考察訓練期有成效○戊寅諭朕欽奉 慈禧端佑康頤昭豫莊誠壽恭欽獻崇熙皇太后懿旨給事中吳鴻甲奏請安插流氓並設立醫局一摺京師貧民衆多天氣炎熱易染疾病亟宜設法保全隨時醫治著加恩賞銀一萬兩交張百熙陸潤庠會同順天府五城御史妥議章程認真興辦以衛民生而迓天和○己卯以陳慶澂爲江西按察使○袁世凱奏竊維三軍易集一將難求將非其人以卒予敵方今泰西各國相尙以武相競以智兵皆知學將皆考升才校偏裨皆明方略良由

材經造熟學有本原以視一勇之夫憑恃血氣矜尚智力者其爲優劣蓋較然其不作矣伏讀上年七月三十日諭旨練兵必先選將而將才端由教育而成但學堂成效既非旦夕可期各省學成之員現尙不敷分調惟有先就原有將弁遴選擢用等因欽此嗣准政務處咨稱將弁必使粗通文字諳日營哨各官甄別擇留令入學堂講習等語仰見廟堂之上璧畫精詳洵爲得求將之良方扼治軍之要義臣查武備學術途徑紛繁必須學習四年始得畢業又須入營歷練二年再入大學堂肄業三年綜計須八九年乃能成材現值時艱方殷將才消乏固亟應廣設武備學堂爲三年蒞艾之計然如專待此項學生出供任使實屬緩不濟急因在省城建立行營將弁學堂一區遴選曾經帶兵員弁粗識文字有志上進者作爲學員酌訂章程選擇各種切要學術督飭肄業以八箇月爲卒業之期學成者選優等卽可酌委軍事雖不若由武備學堂出身者學問精根抵深厚然曾經閱歷戎行而所學又皆切要適用亦堪備目下將弁之選惟創辦伊始釐其事者必須得人始能經理認真不同敷衍查有指分直隸補用道雷震春饒有才略能任勞怨諸練武備熟習營務堪以派充該學堂總辦卽責成該道督飭諸教習等加意訓迪實力振興俾糾桓之夫皆得嚮學成材尅期收效於以宏樂育而資器識計無便於此者亦足仰副朝廷練將作人諄諄誥誡至意除武備學堂仍一面由臣籌款舉辦外謹先將擬訂行營將弁學堂試辦

章程繕具清單祇呈 御覽得 旨知道了著卽督飭認真肄習務有實效單併發○庚辰諭據外務部進呈奎俊電稱前因資陽縣土匪聚眾滋事當經派兵擊散並將首犯李岡中等拿獲正法茲據該縣馬承基稟稱縣屬天鼓橋地方突有匪徒千餘乘夜打毀英美教會所建教堂殺斃傳教士成奎及教民四命又燒燬房屋傷斃教民三命勢甚猖獗現已飛請防營並添派道員帶勇馳往辦理等語似此匪勢披猖目無法紀亟應速行撲滅毋任蔓延著奎俊嚴飭各軍迅卽解散務從查拿首要務獲從重懲治以伸國法而遏亂萌該教士等無辜斃命殊堪矜憫著卽妥爲撫卹資陽縣知縣馬承基雖據稱甫經到任究屬疏於防範著卽革職勒限緝犯此外各屬難保無匪徒煽惑造謠生事等情務當嚴諭各地方官認真查禁加意防範除暴安良並將各教堂教士人等切實保護毋稍大意○甲申諭朕欽奉 慈禧端佑康頤昭豫莊誠壽恭欽獻崇熙皇太后懿旨各省新舊償款本萬不得已之舉雖經降旨諭令各省督撫酌量情形妥爲辦理不准苛虐擾累閭閻朝廷體恤民艱寤寐不忘用特再行申諭著各該督撫將一切籌捐款目去其太甚毋得稍涉苛碎致滋流弊使百姓曉然於不忍重累吾民之意庶幾急公奉義踴躍輸將至各州縣及局卡委員經收款項尤須革除中飽嚴禁需索如有巧立名目任意抑勒希圖漁利朦混浮收等情卽著據實奏參必予從重懲辦決不姑寬各該督撫皆受恩深重務當隨時考察加意撫循以

濟時艱而紓民困無負諄諄誥誡之至意○諭軍機大臣等有人奏院省辦捐擾累請飭安定章程剔除積弊一摺據稱該省籌辦捐項委用非人多立名目瑣屑煩苛提調捐事之知府王家傑孔廣祥二員素性貪利罔恤民困委員知縣萬煥李文瀚最為貪酷侵吞剝削民怨沸騰等語籌捐一事本屬萬不得已之舉迭經降旨不准勒派擾民若如前奏各情殊非朝廷軫恤民艱之意著該督撫奏遵籌全局覈定章程遴選廉幹之員妥為經理如有不肖官紳肆意誅求從中侵蝕即行嚴參懲處以清奸蠹而恤窮黎原摺著鈔給閱看將此諭令知之○諭軍機大臣等有人奏詞臣招搖有玷清班一摺據稱翰林院修撰夏同祿鑽營招搖各節著裕祿孫家鼐確切查明提實具奏毋稍徇隱原摺著鈔給閱看將此諭令知之○乙酉岑春煊奏晉省自拳匪仇教釀成鉅案聯軍壓境全省岌岌上年調任之始疊准全權大臣來電令速結教案以紓兵禍當查耶穌教被殺教士一百五十餘名被燬教堂醫院七十餘座而教士無一在晉省者無從商辦案聞駐滬耶穌教總教士英人李提摩太辦事和平在華最久平日極以愛助華人自命因電約前來旋接全權大臣電稱該總教士到京即派總理內地各會教士來晉商辦教案該總教士又呈擬辦山西教案章程七條內第三條略云晉省釀禍之重係民智不開所致擬由晉省籌給賠款銀五十萬兩建立學堂已經全權大臣核飭晉省商辦嗣各會教士到晉商辦一切均極和平統計七會被燬

教堂及教民所失財物應賠銀八十一萬九千餘兩除減讓銀四十六萬四千餘兩撥歸大案賠款抵付銀十一萬六千兩實共賠銀二十三萬八千餘兩陸續清結惟建立學堂一事未與定議該總教士餘次催促兩電往返隔閡殊多復於光緒二十七年八月令洋務局提調候補知州周之驥前赴上海與之面議九月據周之驥電呈合同草底八條大致令晉省籌銀五十萬兩分期交付該總教士開辦中西學堂十年以內學堂課程及延聘教習者選學生均歸該總教士主政十年以外學堂房屋及一切書籍儀器概交晉省並不估價臣當以其捐已得之項爲晉省育才足見誠心愛晉惟訂課程聘教習選學生均由彼主政未免侵我教育之權一再電飭周之驥極力磋磨據覆稱該總教士並非有心侵權特慮不如此卽不能竟其志是以持之甚堅不允慮有決裂臣彼時以和議甫成時局尙未大定晉省耶穌教案極鉅若與決裂必致將來爲難且查約章並無禁止教會設立學堂明文東南各省教會所設學堂甚夥地方官均不能過問此次該總教士擬添之中西學堂祇使未肯聽我主持不過輸出之賠款未能收回復爲晉用耳按之約章衡之各省似尙無他大害與司道等再四籌商竊以宜委曲求全因與議定復於合同內聲明此中西大學堂與晉省大學堂一樣看待顯示以彰域之判卽囑杜干預教育之權彼時實以迅了鉅案爲心並非真冀收育才之效也正擬俟教案全結彙案具奏茲於本年三月間該總教士帶同所

薦總分教習來管辦中西學堂適督省正在選 旨開辦大學堂該總教士雲次面商請將中西學堂併入管省大學堂作為西學專齋並送到擬改合同底稿 以事關創舉未敢率允當飭署布政使吳廷斌署按察使胡湘林署翼寶道沈攸和會同大學堂總理在籍戶部主事谷如墉暨省城紳士籌議歸併辦理有無流弊並就該總教士送到擬改之合同詳細察酌極限是否分明去後嗣據會詳稱歸併辦理是有數利管地偏僻士習拘固每於外人多相歧視若歸併辦理西士管士日相涵濡畛域以除偏畸以化仇教之端不禁自絕利一學習之弊在分門戶另設學堂紛紜必甚入主出奴其禍無限若歸併辦理我課中學彼課西學各盡所能同臻精粹渾融新舊以串中西既無分黨之虞易收達才之效利二今日開辦學堂自以講求西學為亟而各省所延西教習恆苦上駟無多此皆由中外隔閡難知底蘊也若歸併辦理則以西人延西人教習必能勝任所授西學可得真傳利三管省現辦學堂因經費難籌未能多聘洋員故西學多從闕略若歸併辦理則每年頓增數萬金之經費所闕學科可以增補利四今日譯編新出者尙屬寥寥出者已成陳跡雖設學堂讀西學苦無課本若歸併辦理則西學專齋所譯之新書即係大學堂之課本利五如慮以教士為教習或非所宜則從前同文館所延之丁健良即係教士如慮西學專齋歸西人經理或有未善則各省方派學生出洋游學豈有違游海外者不慮見異思遷近居

域中者轉恐真知之泊沒況訂課程聘教習選舉學生皆商承於我更不致使我主權此又不足慮者也詳請定議歸併并呈與李教士會議合同底稿前來臣詳加審酌該官紳等所稱歸併之利尙爲可信并將所呈會議合同底稿逐條核閱如訂明西學專齋總分教習進退去留及平日課程卒業考校均由巡撫或大學堂總理核定各節可無主權旁落之嫌又如訂明併入卽係中國國家學堂只講求各種有益之新學并訂明於指定各學科稍有違背或增立別項名目立將合同作廢各節可無牽涉傳教之嫌又如訂明學生由巡撫學政選取各節可無學生根底不深逐末忘本之嫌又如訂明概不函電公使等官與聞及限滿或款盡卽交由晉省自行經理各節可無致成交涉久假不歸之嫌且上海所訂合同有損主權彼則已允注銷此次則反復申明合同以外概不牽涉該總教士宅心公溥興學愛晉之意似尙非虛復發策徧詢大學堂士子亦係主不歸併者少主歸併者多臣因究係各省創舉更令添入倘具奏後不誤朝廷允允仍卽作廢一條遂飭司道及紳士等於五月初二日暫與李提摩太暨擬聘之西學專齋總教習敦崇禮篆字呈由臣蓋印立案特是如斯創舉何敢自晉而開惟有將所訂合同繕呈清單伏候欽定傳旨著照所請管學大臣知道單併發○丙戌兩廣總督陶模因病乞休允之○丁亥諭外務部奏西人傳教分天主耶穌兩門現在總理耶穌教會事務李提摩太因事來京請旨辦理一摺李提

摩太學識優長宅心公正深堪嘉尚著外務部印將現擬民教相安規條一併與之商議以期中外輯和百姓親睦有厚望焉○以德壽署兩廣總督調岑春煊爲廣東巡撫丁振鐸爲山西巡撫以王之春爲廣西巡撫○戊子子因公溺斃之四川候補道吳溶優卹○奎俊奏安岳縣拳匪仇殺教民已獲首要各犯並資陽縣匪徒滋事辦結情形得旨知道了仍著緝拏餘匪隨時防範以靖地方○是月法蘭西國使臣施源回國參贊賈斯納署理○奧大利亞國使臣齊幹歸國尋回任

光緒一百七十四

臣朱壽朋敬編

臣章奎璩恭校

六月癸巳春煊奏晉省太原等府州所屬亢旱日久災象已感得旨著交該督撫體念著卽查明分別
蠲緩並購運糧食妥爲賑撫以恤民艱○甲午 上詣 大高殿祈雨○逮丁酉蘇州難靈壽縣訓導李
樾祭葬世職○乙未諭李興銳奏參署江西南贛鎮本任廣東瓊州鎮總兵申道發所部營勇全不足額
每遇出防到處騷擾自到署任以來益復放縱任性不受調度等語現當整頓軍制之時似此劣跡多端
舉動驕恣僅予開缺不足蔽辜申道發著卽行革職以肅軍律○命胡惟德充出使俄國欽差大臣○丁
振鐸奏廣西省此次奉派新約賠款每年三十萬兩加以補平補色匯費各項共需銀三十四萬餘兩數
鉅期迫事關大局自當勉爲其難經臣督飭司局疊次籌商去後茲據藩司張曾敬詳稱籌款之法如開
礦種植製造土貨皆可以裕本源而塞漏卮然俱遠大之圖不能濟眉睫之急房捐畝捐等事富庶之地
當可舉行若施之民貧盜熾之廣西誠恐力有不逮至前准部咨飭照山東辦法酌提地丁錢折厘西省
向用花銀補色輸納間有微錢之處盈餘亦屬無多僅取州縣辦公似難議提近年司局墊付邊餉常年

經費不敷甚鉅加以盜賊充斥商民皆困籌款之事實較各省爲尤難現在左支右絀之時酌爲積少成多之計其新增之款倡導而徵輸者二其舊有之款整頓而擴充者四實不得已而爲之者一所謂七條詳請具奏前來再三核度意見相同謹爲我 皇太后 皇上縷晰陳之一官捐也西省缺分腴少瘠多卽最優之缺亦僅視他省中缺然此次籌款不免取之商民自應官爲倡率現由 臣每年捐銀三千兩藩司衙門向有平餘爲署中辦公經費僅數歸公每年三千餘兩臬司衙門每年報効銀六百兩桂平梧鹽法關道每年報効銀三千兩太平思順道每年報効銀一千兩其餘府廳州縣缺分稍優者均酌定每年報効數目自一千六百兩至二百兩合計每年共報効銀三萬二千餘兩一糖酒油領帖也菸酒糖茶奉文加稅西省菸茶無幾酒則頗有行銷故燒鍋所在多有糖油榨房各處亦有之擬令燒鍋榨房均赴藩司領帖繳費始准開設每年各繳銀二十元此新增之款倡導而徵輸者也一潯稅改章也潯州府稅廠向歸潯州府知府徵收近年正額勉敷盈餘短絀而在廠司巡邏索中飽皆由知府有地方之責不能身親其事利之所在弊卽叢之廣東鹽府之黃江廠自奏明派員徵收之後每年倍於舊額是其明驗現將潯州府廠改派委員徵收一切仿照黃江廠章程長收之數歸於賠款提用另摺奏明辦理一整頓稅契也廣西每年稅契銀兩多或不及萬金民間買賣出房何止此數或匿契不稅或大頭小尾或州縣用印

謂之小稅而不黏司尾已成通弊擬定限四箇月以內新契一概納稅舊契酌令補稅刊發三聯契尾以便旬稽每買賣銀一兩收正稅連平色部飯解費等項共省平花銀四分五釐從前浮費盡行裁革倘逾限不稅分別懲罰州縣如仍前弊混從嚴懲處一押店加餉也軍興以後西省富商甚少故各處開設押店然商本無多不能該領部帖繳納當稅數十年來皆赴藩司領帖酌繳餉項三年換帖一次亦有私開而不繳餉者擬令各押店一概呈請司帖每帖繳銀四百兩帖費銀二十兩仍每年另捐銀二百兩違者查禁一增改釐稅也西省釐金臣抵任後督同整頓力裁糜費釐定章程節省甚多徵收亦長於往歲而釐稅則例尚有應行酌改者如藍靛蠶絲牛皮糖片等項出產頗多釐稅無幾現由釐金局查察情形設法挽救至雲土一項前以初次包商定稅稍輕每年繳銀三萬八千兩現在洋藥已奉文加抽則土藥亦應增稅已議定每年加稅二萬二千兩此釐有之款整頓而擴充者也一關姓各賭承充公司也廣西地接廣東賭風相沿成習廣東關姓公司承繳鉅餉西省近亦私賣關姓且有代東省公司攬收者蹤跡詭密難於查禁又查前撫臣黃槐森飭據梧州官紳就賭規中籌餉招募安勇此外各州縣亦多有收規募勇之處既已不能禁絕不如化私爲公除白鴿票各賭仍行嚴禁外仿照廣東章程包商繳餉暫行試辦自本年五月起每年共繳餉銀三十萬兩除劃撥各處募勇餉需外尚餘二十餘萬兩內外此則不得已

而爲之者也以上酌擬各條多方籌措始克有此均經藩司與各局詳報開辦專款存儲隨時撥付賠款但現在盜賊未靖沛州稅廠及稅契增釐押店燒鍋榨房等項收數能否暢旺實不敢知惟有隨時察看情形斟酌補救期無流弊再查有奉文停支各世職全俸米俸每年約省銀二萬兩亦請撥充賠款以充不敷下戶部知之○丙申 上詣 奉先殿 壽皇殿行禮○以李福興爲廣東瓊州鎮總兵○諭軍機大臣等有人奏順天府府尹陳璧信任東城副指揮丁惟忠派充練勇工藝等局徒滋糜費其貪污卑賤若此尙謂其操守可信並稱該府尹鋪張欺飾縱役招搖請旨飭查各等語著鹿傳霖按照所指各節確切查明據實具奏原摺著鈔給閱看將此諭令知之○丁酉諭軍機大臣等有人奏直隸勸捐激變請嚴定官弁處分一摺此次廣宗鉅鹿匪徒聚眾滋事幾釀巨患袁世凱身膺重寄用兵剿辦實出於萬不得已此等情形朝廷亦爲深諒惟現當匪亂既平之後地方被擾被害閭閻困苦異常深宮時爲慮念該督務當慎選牧令加意撫綏以安民生所屬文武各員如有貪功生事玩視民瘼者卽行嚴加參劾俾昭儆戒原摺著鈔給閱看將此諭令知之○以長春爲西安將軍○命孫寶琦充出使法國欽差大臣○外務部奏光緒二十八年三月二十九日准軍機處鈔交直隸總督袁世凱等奏交涉重要亟宜變通外部及出使人員章程一摺奉 硃批所陳甚是著外務部查照辦理欽此欽遵到部○等竊維臣部爲外交總

陋方今列強環伺事務紛乘舉凡約章之得失儀文之輕重路礦商稅之利弊教案疆界之是非無一不關交涉實不僅出使一途而使事亦相爲表裏查該督等所奏大致以外務部司員與出使人員互相調用令其出入中外兼資閱歷以期得人分任應付咸宜洵爲整頓部務慎重使才之要義臣等忝膺重寄無補時艱仰荷 聖明指示益當殫竭愚慮切實請求就該督等原奏參酌中外事宜妥籌辦法爲 皇太后 皇上陳之原奏內稱嗣後外務部司員各缺由出使大臣在參贊隨譯中請調久在外洋者保送外務部考察充補不敷由沿江沿海各督撫揀會經出洋之人或游學或學生一體保送各節臣等查政務處會議 部章程分設四司每司設郎中員外郎主事各二員并各定額外行走六員以後司員由各部院衙門保送考試每次考取記名以二十員爲度遇有額外缺出按次傳補現在京師大學堂已奏設仕學館各部院人員研求講習將來照章甄拔必不乏可用之才惟取人之途不妨從廣嗣後參贊隨譯各員如有久在外洋熟諳交涉之員京官係郎中員外郎主事中書外官係府廳州縣均准由出使大臣出具切實考語保送 臣部考察錄取奏請記名與各部院人員相間傳補未取者仍以原官用其曾經出洋之人或游學或學生亦准由各督撫保送惟須得有各國高等學堂卒業文憑再由 臣部考驗錄取挨次傳充編譯著有勞績亦可遞升主事未取者仍發回學習至 臣部司員缺額有定若本署人員無疏

通之路則保送人員亦無傳補之期擬請於每屆京察記名人員外照各部院定例將實缺郎中員外郎保送知府主事保送直隸州均分發沿江沿海洋務省分補用以資激勵至臣部甄別司員章程如有不諳交涉者咨回原衙門行走此項考取到署人員如不得力仍應咨回原衙門原省照章一律辦理原奏又稱使館參隨各員缺由外部精選品端學優能通洋文之司員前往充補不敷暫准用翰林部屬府州縣通洋文願出洋者呈由外務部考察選派各節臣等查總理衙門章京派充隨使歷經奏准辦理有案政務處會議臣部章程亦稱郎中員外郎主事可備參贊領事隨員之選今請引伸其例嗣後使館參隨應先由臣部司員內咨送出使大臣調充但臣部交涉繁重辦事需人勢不能概行選派如有不敷始可於翰林部屬及府廳州縣中量加揀用惟准其自行呈請恐啟干進之弊應由各部院堂官各省督撫出具切實考語保送臣部考察奏請記名遇有參贊隨員等差一體咨送出使大臣調充至臣部司員及使館參隨等向來辦理公體均以漢文為主故通知時務者有人而熟習洋文者尙少繙譯官職司傳譯又於漢文或非所長欲求兼貫中西此時殊難其選惟有先擇年力富強才具開敏者俾之出入歷練俟將來兼通洋文者漸多再當酌覈甄派原奏又稱使館參隨等員宜改實缺久於其任不准出使大臣攜帶調換使臣受代所屬各員照舊供職立限給假休息三載考績卓異遞升出使大臣有缺亦可於參贊

中選員請 簡各節臣等查向章出洋參贊隨員三年期滿照異常勞績給獎其到差不能勝任者隨時遣撤回華均由出使大臣奏請黜陟誠以使臣遠涉殊方必須與隨使各員指臂相聯昇以舉察之權方獲贊襄之效但恐瞻徇遷就任使不得其人不免轉滋流弊是以臣部屢經釐訂章程限定各使館參隨員額一以節經費之虛糜一以冀用人之得當應請 飭下各出使大臣嗣後隨使人員除由臣部選派外仍准照章調用惟須慎加遴選不得任意攜帶有逾定額其前任得力之員後任亦應接續留用以資熟手毋輕更換在洋年久立限給假休息本有定章仍應照辦定額之與專缺保獎之與考績名目雖異事實則同且使館視行省有別似可勿拘成例以後如有應行改革之處再由臣等察核情形奏明辦理至會充參贊洊膺斯職者歷來已不乏人如有才識超邁風節卓著之員一經中外臣工保薦應仍由臣部列入使才單內遇有出使大臣缺出請 旨簡派似此量為變通互相調用均與該督等所奏用意相符臣等惟當督率所屬認真考究以期造就通才不獨備出使專對之需卽臣部交涉事宜亦可藉資彙策庶幾維持補救收效無形於大局實有裨益用副 朝廷慎固邦交策勵人才之至意得 旨允行○戊戌諭崇善劉坤一等奏已故將軍戰功卓著請賜昭雪以彰公道一摺已故江甯將軍豐紳前經統覽奏參撤銷專祠及予諡卹典茲據崇善等奏請該故將軍砥礪廉隅愛惜士卒任內收支公款均係實用

寶銷並無腹削浮冒蠟紳生平戰績尙屬著有勳勞著准其建立專祠並加恩予諡以彰勳勳○以吉陞
爲正紅旗蒙古副都統○己亥諭朕欽奉 慈禧端佑康頤昭豫莊誠壽恭欽獻崇熙皇太后懿旨宗人
府奏已革端郡王等銜職請旨承襲一摺載洵著承繼瑞敏郡王奕誌爲嗣並與舊職載漪著承繼鍾端
郡王奕詒爲嗣並與舊職○庚子魏光燾奏准外務部電英使照稱緬甸緬邊界頗不安靖恐屬員權位不
足治理請設法將騰越屬缺照臨安府屬道移駐蒙自辦法改派大員駐紮該處與界務有益現烈領事
入省商議此事等語查滇緬邊界交涉日繁屬員不足資鎮懾亦屬實情應如何變通辦理期於界務
益俟烈領事到省酌量與商等因旋據駐騰越領事烈效來省重申前說當經行飭司局酌量情形核議
詳辦去後茲據雲南布政使林紹年按察使全楙績會同善後局司道詳稱騰越爲英緬入滇第一門戶
地處極邊幅員遼闊與緬界犬牙相錯防務界務均極繁難現復開關互市交涉尤爲緊要查核情形實
非監司大員難資控馭擬請將原駐大理府之迤西道移駐騰越屬城兼管關務定爲衝繁疲難四項和
兼請 旨簡放要缺所有該道原轄之大理永昌麗江楚雄四府蒙化永北二直隸同知一切水利屯墾
倉庫錢糧交代詞訟緝捕關保各事宜命盜秋審等案件仍責成該道照舊辦理該道兼管關務收放稅
款事亦其繁應請添設道庫大使一員兼管照磨事定爲邊遠選缺先行由部銓選後遇缺出照例辦理

並請鑄造雲南分巡迤西兵備道兼管關務之關防迤西關道庫大使兼管照磨事印各一顆頒發來滇以昭信守該道移駐邊關兼理商務需費較鉅應請援照臨安開廣道養廉額數年支銀五千九百兩具原支俸銀一百零五兩原設門子兩名快手十二名皂隸十二名轎傘扇夫七名鋪兵二名每歲工食銀六兩計三十五名共支銀二百一十兩均仍照舊支領添設之道庫大使請照開廣庫大使養廉額數年支銀八十兩俸銀照例支給設皂隸二名每年支工食銀六兩共實支銀十二兩此項廉俸役食銀兩即在藩庫徵收公耗項下照例支放報銷仍照章減成扣平以歸一律應建各衙署由善後局於邊餉項下籌款委員估勘修建據實造報第該道既經移駐應俟奉 旨允准再飭現任道松堦前往騰越駐紮並由司先行委員署理大使俾專責成其部頒關防印信一時未能到滇應飭該道暫用舊印並由司另刊道庫大使木質鈐記發交暫用俟印信頒發至日再行換給其餘一切未盡事宜統俟該道移駐後體察情形悉心斟酌妥議分別詳咨核辦再騰越原設同知經歷司獄各員缺均有管轄地方及分防督捕監獄之責應請仍舊設置以資治理等情詳請奏咨前來臣覆加體察均屬實在情形合無仰懇 天恩俯准將雲南迤西兵備道移駐騰越並管關務添設道庫大使一員並懇 飭下禮部分咨鑄造印信頒發來滇以昭信守得 旨外務部會同吏部覈議具奏○魏光燾奏前准總理衙門咨英使照稱中緬條約

第十三條載明准將駐紮允之領事官改駐或騰越或順寧擇定一處今本國已擇定騰越派委領事官前往駐紮合諸貴國即於該處設立新關徵收洋稅並派辦理交涉事務關道以便會辦一切咨滇查照約章酌量情形奏明辦理旋於光緒二十五年六月英署領事傑爾遜到騰商議開關經前督臣岑春煊同前撫臣丁振鐸將籌議大概情形專摺具奏並聲明援照思茅關暫以同知為監督俟商務暢旺或另設關道或以迤西道移駐屆時奏明辦理等因欽奉 硃批該衙門知道欽此並經總理衙門行據總稅務司赫德據派稅務司好博遜來騰正議辦開署領事傑爾遜因改調回國又值拳匪事起稅司亦返新街關務遂緩開辦上年九月承准外務部電開英使函稱駐騰越領事官現派烈敦署理並准咨開據總稅務司申稱現改派孟家美補騰越稅務司之缺等因咨滇當經轉行遵辦並札委騰越同知葉如桐暫行兼管關務與領事稅司籌議開關事宜並由司庫借支銀九千兩以作開關經費復添派委員前往相助茲據雲南布政使林紹年會同晉後局司道詳據騰越同知兼管關務葉如桐稟稱著領事烈敦稅務司孟家美隨帶扈手人等於上年十月初三日到滇維時和議甫成人情猶多疑阻諸詠紛紜深恐滋事迭經督率各員紳再三開導彈壓並會同領事稅司親往各路勘查斟酌設關設卡分修太平江南岸道路以期振興商務數月以來粗具規模民情亦漸安堵當會訂試辦關務章程十五條擬在騰越南城外

設立正關東門外設立分卡並於豐允設立分關蚌西設立分卡二台坡設立查卡又於太平江南岸弄璋街設立分關粵鐵設立分卡擇於本年四月初一日開關試辦所有借支經費撥節動用將來仍由洋稅項下籌還歸款等情詳請具奏前來臣覆查騰越爲由緬入滇門戶道途紛歧商路以太平江南北兩岸爲適中要路惟山徑崎嶇商旅裹足現經該總與緬政府商議分界修理係爲整興商務起見所擬試辦章程核與各海關通商大致相同且甫經開辦一切尙無把握自應隨時斟酌損益總期商務漸興關稅暢旺藉以維持利權而裕餉需再該總地方與緬界犬牙相錯沿邊野夷不時出沒交涉事件日益繁重誠恐同知權勢不足鎮懾似應移駐道員以資控馭已飭司局酌量情形另案詳辦合併聲明下部知之○辛丑外務部奏自上年和約定後諸國兵隊除駐守暢道各處外均按期由直隸省撤退交還地面惟天津所設之都統衙門係由德英俄法日本義大利六國派員管理久未裁撤臣等於本年正月間照會六國駐京使臣以交還治理天津事務載在公約第十一欸該處爲近畿要地尙未歸還於中國治理之權諸多未便應由諸國會商撤退兵隊交還地方等因去後旋據各使臣等照覆應與各國武弁並同議和約條款之諸國公使共商以致往返數月尙無定議臣等復切實照催茲據駐京各使臣等照稱現奉本國國家應允將都統衙門裁撤惟中國國家先應特爲聲明允照所擬各節辦理自應允各節之覆

文到日起計算四箇禮拜內將天津都統衙門裁撤牌請指明屆時都統衙門應將天津城並天津一帶地方各事交與何項官員接收等因前來臣等就照會內所開各節詳加查核如拆毀礮臺及京師至海通道酌定數處留兵照舊駐劄均係按照公約第八款第九款辦理中國駐兵須距天津二十里係免彼此相過滋事其所稱由京至海通道各軍隊管帶所得彈壓治罪之權延至鐵路兩旁六里係指有犯鐵路或電綫或聯軍人及物產而言查此節曾於光緒二十七年六月經領銜日國使臣萬緒幹照會全權大臣有案尙非漫無限制其餘賬目案件賦稅等事各分界限可無轉輟天津爲畿輔要區直督治所惟期早日交還妥善善後此事經臣等與各該使臣屢次磋商據稱已將格外要求情事一概刪除無可再減此次照會各節核與中國治理地方之權尙無窒礙既據聲稱自覆照會允行之日起於四禮拜內將天津都統衙門裁撤交還地方相應照錄原送照會恭呈 御覽如蒙 俞允臣等即照覆各該使臣如期交還並請 飭下北洋大臣將接收事宜妥爲辦理以昭慎重得 旨如所議行○壬寅錫良奏豫省河北教案以武安縣案情爲最重前經調任撫臣于蔭霖於上年派員與主教司德望議結奏明在案惟原議舉辦當時滋事人犯僅開人數未盡指定姓名逃者弋獲無期獲者待質多斃曠日持久更復百弊叢生痞棍遂依託教民藉端訛索良懦或忍忿服罪或出資求和强悍或抗拒不遵或懷仇欲報民心驚

擾謠說紛紜幾有不可終日之勢時值豫南泌案甫有端倪直隸廣宗正在多事武安孤懸直境風聲所播人情洶洶羣思一逞設使辦理遲緩稍失機宜則一波未平一波又起禍患何堪設想奴才當卽派委候補知府許葆連馳往河北稟商彰衛懷道馮光元會督彰德府知府晉承武安縣知縣劉瑞霖與湖北總主教司德望等反覆商辦趕緊議結以爲曲突徙薪之計茲據該員等稟稱已與主教妥議將已獲之犯分別發配保釋未獲之犯分限暫禁回里其餘一概免交訂立合同簽字押解請立案從此一律完結永斷禍蘊民教盡釋嫌疑自可相安無事該員等辦事妥速消患無形不無微勞除該管道府勿庸議敘外合無仰懇 天恩俯准將候補知府許葆連武安縣知縣劉瑞霖交部從優議敘出自 運格鴻慈至議定流徒各犯事關交涉自宜從權速結已飭該縣分別稟請給咨定地發配解勘免生枝蔓得旨如所請行○錫良奏泌陽縣教案前經奴才會督鎮道等拿獲要犯訊明懲辦暨兩次剿捕刀匪情形均經奏明在案並懷遵 諭旨飭將教案趕緊了結迭飭候補道陳履成會同南汝光道朱壽鏞督飭印委與該主教安西滿妥商去後茲據該道等將泌陽各處教案一律議結書約畫押先後稟報前來查泌陽匪徒張雲卿等因抗攤賠款勾結刀匪滋事教堂教民一時同遭蹂躪其房屋器物大半拆毀損失至被難教民雖經奴才妥飭撫恤而扶老攜幼逃避新岡教堂者亦復不少該主教安西滿供給食用自

屬不貨商辦賠修教堂及教民房屋以暨添補一切器物各項費用再三辯駁始以共需銀二萬六千兩
議定唐桐泌三縣素稱刀匪出沒之區案若久懸尤恐羣疑莫釋枝節橫生既經該道等議明完結自應
照准當飭藩司設法騰挪依限清交所需款項伏乞 聖恩俯念豫庫支絀准其作正開銷仍一面督飭
地方文武及防練各營購縫緝拿首要各犯務獲究辦並妥撫善民保護教堂教民務使相安以期上紓
宸廑所有此次議結出力各員除朱壽鏞係本任南汝光道毋庸議敘外查候補道陳履成南陽縣知
縣潘守廉新野縣知縣錢繩祖顧全大局勞瘁不辭不無微勞足錄惟該道陳履成前已保有二品頂戴
並蒙 恩交軍機處存記應如何獎敘之處 奴才未敢擅擬伏候 聖裁其南陽縣知縣潘守廉新野縣
知縣錢繩祖擬請 飭部從優議敘以昭獎勵得 旨陳履成等均著交部從優議敘單併發○貽穀等
奏奴才貽穀前以西二監墾務暫難就緒趁便先赴察哈爾籌辦右翼四旗墾務各情奏奉 硃諭著卽
將清墾事宜認真經理爲蒙旗開闢利源欽此奴才貽穀於五月十三日馳抵張家口遵卽與奴才奎順
悉心籌議查該四旗蒙地毗連豐鎮寧遠兩廳自光緒八年經前任山西撫臣勘辦押荒升科於十一年
奏結後二十五年復行續辦迄今又三四年現據豐寧押荒局呈報丈清報墾地畝僅三千餘頃幾疑在
事各員承辦不力所致及周歷地界參以聞見考之卷宗始知向來辦理爲難情形大抵由於墾礙之多

端與事之不一今擴充辦法極應相時度勢量爲變通敝爲我 皇太后 皇上縷晰陳之一曰清
鄉報近年蒙古失計不在牧而在租或抵價而指段於人或圖利而私放肥己或一地而數主此租彼逐
或一地而數租忽爲予奪而奸商知其可以利餌也遂得乘間插入肆行其侵漁之計往往承領之地未
經與該旗議定卽行立契出賣而田戶愛地如金便爾出價承買以致有得契並未得地者有契內數多
而得地反少者又有契係此地而混予彼地者抑且有牛羊各壘之牽混王公牧廠之交錯教民教產之
勘成訟案無窮輾轉婪如亂絲此次若不速行清理日復一日枝節尤多擬卽改委委員會同該管總參
佐等官同赴地所核實勘辦其要尤在查其約證之虛實出價之多寡與耕種之後先公同理斷倘有抗
阻不服仍前爭執者卽嚴懲以儆效尤此籌辦變通舊壘之辦法也一曰招新壘查從前各地商向係私
賄藏旗約領地段往往招佃壘熟多年不報矣而官局尙須移會屬官據以咨旗訂期會勘而蒙旗又任
意耽延苟愆壘之未盈卽指交之無日且旗廳局員中一有不到事卽中格曠日持久難竟其功職是之
由今擬力祛前弊仿照上屆辦理王公馬廠章程將地歸官勘辦一面札飭各該旗總管等報明共有若
干分繪詳圖註明縱橫里數及已壘未壘大致數目一面派員查勘酌留隨缺地及公共牧廠外餘均一
律交出開放該旗不得過問並揀調各旗參佐一二員常川來局當差俾可隨時差遣庶操縱在我不致

諸多牽制此籌擬變通新墾之辦法也一曰恤蒙艱蒙旗之窮日甚俸餉有限牧產無多近將各地私行租放久已視為利藪一旦舉以歸公若不預為之計有坐困窘鄉而已查晉省墾地舊章以三百六十弓為一畝每畝交押荒銀二錢其升科正項無論王公馬廠及官荒空閒地每畝均徵銀一分四釐遇開每兩加銀三分每正銀一兩隨徵耗銀五分王公馬廠每畝隨徵私租銀四釐由該地主向官領取至官荒空閒地每畝亦加徵歸公私租銀四釐以充口外七屬捕盜營弁兵經費如遇災年核實勘定分數將官私各租一律豁免此向來辦法今應仍因其舊惟查此次既將各旗地由官辦理是該旗地去而無所得難免不生觖望以後新放地畝擬於每畝押荒二錢外加收辦公銀一錢以六分作官局經費四分作該旗協同辦公費以示體恤如應領戶以加辦公銀或不樂輸不知戶部原定押荒章程本分三則上則每畝交銀三錢中則二錢五分下則二錢以右翼地畝不難照上則押荒辦理而從前照收每畝二錢者以地係民戶私行承領已出重資不便再行多取若此後由官放租一切私費概予扣除惟每畝加收辦公銀一兩核之從前私相授受所省已多必不因此一辦公費之故裹足不前是毋庸過慮者至各旗常年養贖則又擬請 恩准酌予官弁兵丁隨缺地畝及公共牧廠種田牧放均可自由豈尙不足資生特不准將劃留之地再行私售如仍前習從重治罪此籌擬新擬正供有濟蒙困之變通辦法也一曰定限

期查向章交納押荒後試種三年始行升科本指未墾荒地而言而現在各旗地有私墾業經有年有仍復取巧不報以緩交押荒並藉延升科似此容心欺瞞大於國課有礙擬即先行派員分赴各地所勘明未經丈清熟地若干隨時呈報一面另委員司挨次勘丈丈清後限三月內交納押荒銀兩逾限不交立將原地追繳另放如其中實有牽涉他故未經清結者應令另行辦理至升科則分別已墾未墾其已經墾熟之地則統歸試墾照章三年後升科如此辦理庶使條目分明此籌擬嚴防弊混而又易於遵循之變通辦法也一曰籌經費查墾押荒局未有經費專款一切薪工局用等項統由所收押荒銀內作正開銷約計每歲動用正款十分之一然彼印各員會旗勘界時向由地商支應所費不資故地商遂敢藉端詐騙今則地歸官辦其緊要關鍵尤在絲毫不得及地戶方足以感動愚蒙而懾服刁健此後事務日繁用人日眾所有員司書役人等薪水工食及車馬川資等費需款甚鉅若仍開支押荒銀兩恐事竣而款亦無多於國計何補此項經費前條擬於加收每畝之辦公銀一錢內以六分留充局用者正期不動正款又可藉資應用至徵解常年升科糧銀應需傾豁火耗解費查光緒十五年直隸續墾張獨多三總官荒廠地獨石多倫兩廳每畝准予加收銀二釐二毫張理廳每畝准予加收銀一釐八毫均係爲傾豁火耗解費之用此次擬照獨多兩廳舊章每畝加收銀二釐一毫不准額外稍有需索以示限制而杜

流弊此籌擬變通經費之辦法也一曰預儲備各旗地既逐漸開放將來民戶衆多不能不添設官汛以資治理辦理一切營後事宜在在需款與其有事而始籌措注有臨渴掘井之虞何如及時而預爲存儲無待米爲炊之慮查各屬捕盜營有從前墾地所徵四釐租銀足敷發放毋庸再行撥款以後所收官荒空閒地四釐收租一項擬卽另款收存專備新開地方營後經費之需惟地屬公家款歸公用似不得不有私租名目擬改爲四釐另租除王公地如有續行報效其私租仍舊撥給外所有官荒空閒地每歲可收另租若干於年季奏咨一次以備考查此籌擬變通儲備之辦法也奴才等尤有進者向來承辦蒙地之人名曰地商曰戶總其辦事地方曰地局罔不養打手製軍械弱肉強食動輒爭鬪近日口外散勇游匪以此爲遁逃之藪往往有焚燬房屋殺傷人命重情種種強暴不啻其既往不可不儆其將來擬卽嚴行諭示去其地商戶總名目其從前地商戶總有經手未報之地無論已墾未墾均飭遵照現辦章程卽行交納押荒以憑分別升科不准任意延抗亦不准再有恃強越佔及互相械鬪情事倘或不遵查辦定予重懲是顯以戢現在爭端卽隱以弭無窮後患也以上所陳係查照向章參以現今時事而損益之至押荒儲局現已改爲豐寧墾務局自應飭將所收款項數目及剩存部照若干一併截清接收辦理以清眉目得 旨著照所擬辦理該部知道○丙午命敬信馳往 東陵查辦事件○廣西柳慶鎮總兵馬盛

治追剿思恩土匪陣亡予祭葬世職建祠戰功事蹟交國史館立傳○戊申諭詰緝禦奏知府豐揭虛誣
聲名貪劣縣丞勘工不實有意阿附請一併斥革一摺安慶府知府署廬州府知府方連軫合肥縣縣丞
余肇度著一併革職以肅官方○諭張之洞奏革員被參冤抑懇請開復原官一摺已革候選知縣袁世
敦已革山東莒州知州蔣楷前經毓賢奏參一併革職茲據奏稱該革員等實係被參冤抑自應准予開
復袁世敦蔣楷著開復原官升階並免繳捐復銀兩○已酉諭軍機大臣等有人奏廣東潮州鎮總兵蒯
德浦盜賣官米招搖詐贓被控有案請飭查辦等語著升允按照所參各節嚴切查明據實具奏毋稍徇
隱原片著鈔給閱看將此諭令知之○辛亥命湖廣總督張之洞充督辦通商大臣○調馬維祺爲四川
提督程允和爲廣東陸路提督○以劉永亨署戶部右侍郎○調張曾敝爲四川布政使員鳳林爲安徽
布政使湯壽銘爲廣西布政使○調繼祿爲正白旗滿洲副都統恩巖爲正紅旗漢軍副都統以鐵良爲
正黃旗蒙古副都統莊山爲鑲白旗漢軍副都統○壬子諭軍機大臣等有人奏川省亂象日熾督臣瀾
職貽誤情形又奏川省亂象已成督臣辦理日形竭蹶各摺片據稱藩司員鳳林昏愎習忘年老嗜利及
道府各員劣跡等語川省吏治疲玩軍政廢弛近日資陽等處匪徒復有擾亂情事全在疆臣認真整頓
挽回積習綏靖地方若如所奏各節將至貽誤大局實屬有負委任奎俊嗣後務當振作精神力圖報稱

並將所參文武各員按款嚴查據實具奏毋稍徇飾自干咎戾原摺單片均著鈔給閱看將此諭令知之
○甲寅 萬壽聖節 上御乾清宮受賀○諭軍機大臣等鄧增所統之忠武景字各營旗著卽裁撤以
節餉需○諭朕欽奉 慈禧端佑康頤昭豫莊誠壽恭欽獻崇熙皇太后懿旨慶親王奕劻第五子載淪
著賞給頭品頂戴○乙卯諭朕欽奉 慈禧端佑康頤昭豫莊誠壽恭欽獻崇熙皇太后懿旨世襲一等
誠嘉毅勇公麟光著挑在乾清門行走○以綽克布爲鑲黃旗蒙古都統○丙辰 上詣 大高殿 壽
皇殿行禮○親光霽奏營團力解營圍進復版朔分路進剿游匪迭獲勝仗現飭沿邊搜捕會同堵剿情
形得 旨知道了仍著認真會剿以靖邊患餘依議

秋七月己未朔時享 太廟 上親詣行禮○庚申諭前據御史徐德沅奏參順天府府尹陳璣各款當
經諭令鹿傳霖確查茲據查明覆奏陳璣被參各節或事出有因或查無確據卽著毋庸置議惟王進祿
招搖索詐一案日久未結仍著順天府迅速秉公審辦毋稍徇縱前東城副指揮丁惟忠雖無劣跡實據
既招物議卽著撤去工藝局監工差使勒令出局另派委員接辦至該御史原奏山東道有稽查五城追
比盜竊之責司坊官久不呈報並著五城御史查照定例辦理○以崇禮署吏部尙書○四川總督奎俊
緣事解任以岑春煊署四川總督李興銳署廣東巡撫柯逢時署江西巡撫○辛酉兩○召岑春煊入覲

○諭御史攀桂等奏本月初一日恭祭 太廟各衙門所派迎送各官竟無一人親到請飭查取職名交部廣議等語祭祀大典宜如何恪恭將事此次朕行禮時陪祀亦甚寥寥殊屬不成體制著各該衙門查取職名交部議處嗣後應行到班之各衙門堂司各官均著遵守典章不得僅遞職名虛應故事如有違誤仍著糾係御史隨時查參以儆玩愒而昭嚴肅○諭著耆泰職官抗護娼寮咆哮公所請旨斥革一摺候補筆帖式宗室富祥著即革職並交該旗旗長學長嚴加管束如有宗室不安本分特行藐玩情事即著該管衙門從嚴參辦以儆效尤○壬戌諭朕欽奉 慈禧端佑康頤昭豫莊誠壽恭欽獻崇熙皇太后懿旨前據奎俊奏四川南充等處被災情形業經諭令妥速賑濟茲據都察院代遞通政使司參議陳鍾偕等呈稱川省荒旱成災情形甚重籲懇恩施等語該省災區甚廣饑民待哺嗷嗷宮廷實深軫念著戶部迅即撥銀三萬兩交奎俊等春煊督飭各屬核實散賑以恤窮黎毋任流離失所○以長春署成都將軍○癸亥 上諭 大高殿報謝○予故陝西涇陽縣知縣涂官俊列入國史循吏傳○乙丑諭丁振鐸奏營官縱勇殃民請旨革懲等語管帶殺新右營廣西補用參將吳田秀曾剿安縣屬土匪乃竟不分匪練開鎗轟擊鎗斃練丁六名並敢乘機搶擄抄掠傷斃村民多命該管帶紀律不嚴忍心害理深堪痛恨僅請革職不足蔽辜吳田秀著即行就地正法仍令拿滋事弁勇從嚴訊辦以肅軍律而昭炯戒○丙寅

以黃忠立爲廣西柳慶鎮總兵○丁卯諭礦務爲今之要政昨經劉坤一張之洞電奏應採取各國礦章詳加參酌妥議章程等語所見甚是即據該督等將各國辦理礦務情形悉心採擇會同妥議章程奏明請旨務期通行無弊以保利權而昭慎重○袁世凱奏育才莫先於興學興學莫重於得師如師道不講學術卽不免紛歧人才將因以敗壞此各國師範學堂之設所以爲意美法良也中國士子向困於章句帖括之習於各種新學多未講求自難應教習之選各州縣現雖籌辦學堂而教習無人課程無定名爲設學實仍虛應故事造就師範誠爲刻不容緩但風氣初開成材甚難若必俟先通西文再習西學未免曠日持久緩不濟急臣現擬於保定省會建造師範學堂一區考選各州縣舉貢生員作爲學生先取日本譯成西學普通各書轉譯中文頒發肄習俾其易於通曉其教習等亦可中日參用並因各處急需教習擬先通融辦理於堂中分設四齋一齋半年畢業二齋一年三齋二年四齋三年其半年畢業考取領憑者卽可先行派往各處小學堂充當教習一年再由各齋畢業生依次輪往各接充教習一年盡入手之初功課較簡又學爲人師者皆係舉貢生員於中學已略具根柢故其畢業也雖以半年爲限而其教人也亦可一年爲期此自爲急於造就師資起見俟各處教習數用仍概定爲三年畢業以歸畫一得旨興學以教習得人爲要義著卽悉心經理務正始基而廣造就單二件併發○追予直隸殉難員外郎

常山祭葬世職○戊辰諭軍機大臣等戶部奏已革運判徐紹垣虧空公款甚鉅發遣還邇請飭改派委員迅速解部發配一摺當經傳旨依議卽著陳夔龍就近遴派委員迅將該官犯嚴定期限解交刑部發配不准再任藉詞玩延原摺著鈔給閱看將此諭令知之○庚午諭軍機大臣等有人奏江南抽捐擾民請飭查辦一摺據稱江南派辦處候補道王毓基假籌款爲名委派多員任意需索所訂房捐膏捐章程破碎煩苛平民多避捐入教知縣徐葆華委辦如皋捐助案過其幾激民變通判許炳森委辦蘇州捐亦因詐贓被嚴泰州羅允猷辦理房捐肆意苛派沛縣按畝攤捐尤爲厲民等語籌捐一事本不得已之舉疊經諭令各省不得稍涉苛擾著劉坤一恩壽按照所指各節確切查明將辦理不善之員認真參辦以恤民艱至所請將徐州等處湖灘地租一律升科並裁撤各局所掛名薪水及盤剔一切濫支之款房捐卽可從寬並著該督撫分別妥籌辦理原摺著鈔給閱看將此諭令知之○張百熙奏於本年正月具奏籌辦大學堂大概情形摺內陳明將來奏定京師大學堂章程擬卽全照大學規模恭擬上 閱仍將現在所辦豫備科並附設之速成科暨頒發各直省高等學中學小學各章程一併奏請候 旨遵行奉 上諭一切條規將來卽以頒行各省必當斟酌盡善損益得中期於有實效而無流弊等因欽此欽遵在案臣謹按古今中外學術不同其所以致用之途則一值智力並爭之世爲富強致治之規 朝廷以

更新之故而求之人才以求人才之故而本之學校則不能不節取歐美日本諸邦之成法以佐我中國二百餘年舊制亦時勢使然第考其現行制度亦頗與我中國古昔盛時良法大概相同禮記載家有塾黨有庠術有序國有學試比之各國國學卽所謂大學也家塾黨庠術序卽所謂蒙學小學中學也其等級蓋甚分明記又曰比年入學中年考校一年視離經辨志三年視敬業樂羣五年視博習親師七年視論學取友謂之小成九年知類通達強立而不反謂之大成其一年三年五年七年九年之節卽所謂中學小學蒙學卒業期限也其科目則唐有律學算學書學諸門宋因唐制而益以醫學醫學雖未及詳備亦與所謂法律算術習字圖畫醫術各學科不甚相殊自司馬光有分科取士之說朱子學校貢舉私議於諸經子史及時務皆分科限年以齊其業各國學堂有所謂分科選科者視之最重意亦正同大抵中國自周以前選舉學校合爲一自漢以後專重選舉及隋設進士科以來士皆殫精神於詩賦策論所謂學校者名存而已故今日而議振興教育必以真能復學校之舊爲第一要圖雖中外政教風氣原本不同然其條目秩序之至顯而不可亂者固不必盡泥其迹亦不能不兼取其長以期變通而盡利臣此次所擬章程謹上溯古制參考列邦擬定京師大學堂章程並考選入學章程暨頒發各省之高等學堂中學堂小學堂章程各一分又蒙發學堂爲小學始基前奉 諭旨令各省舉辦謹再擬發學堂章程一分

共六件一併開呈 御覽恭候 頒行抑臣更有請者天下之事人與法相維用法者人而範人者法今學堂圖始之時關係於學術人才者甚大法之既立非循名責實則積習所狃既不能返之一朝而粉飾相因且滋無窮之流弊臣擬請 欽定章程頒行之後即乞 飭下各省督撫責成地方官切實興辦凡名是實非之學堂及庸濫充數之教習一律整頓從嚴以無負 朝廷興學育才之盛心而學校選舉亦漸能合轍同途以仰幾三代盛時之良法至 朝廷立法不厭求詳各本章程試辦數年之後倘不無窒礙或須更造精深之處應請隨時增改奏明辦理 上諭張百熙奏籌議學堂章程開單呈覽一摺披閱各項章程尙屬詳備即著照所擬辦理並頒行各省著各該督撫按照規條寬籌經費實力奉行總期造就真才以備國家任使其京師大學堂著實成張百熙悉心經理加意陶鑄樹之風聲以收成效期副朝廷興學育才之至意開辦之後如有未盡事宜應行增改仍著隨時審酌奏明辦理○召色楞額入覲以松壽著熱河都統○壬申諭軍機大臣等劉坤一奏稱浙江桐鄉縣教諭張傳芳盤踞揚州府屬仙女鎮偷運米糧出口請革職遞籍嚴加管束著揚州府知府石作楨受賄放縱於張傳芳聞風潛逃後始札縣拿辦希圖掩飾請卽行革職等語已著照所請張傳芳於年荒糧貴之時只知貪利殃民居心實不可問石作楨身膺表率竟敢受賄縱令奸商盜運米穀出口尤屬罔利營私均應嚴行澈底查辦著劉坤一恩

壽卽咨行浙江巡撫一體查拿張傳芳到案嚴訊追繳所得盜賣米糧賠款並查明沈鴻兩委員銜名提同石作楨一併歸案確訊受賄實放實情從嚴查追毋稍輕縱以儆貪婪○諭前據吏部以員外郎寶銘保送引見並未分別各項僅擬有照例用辦理殊未允協經軍機大臣咨駁自應詳悉聲明更正茲據該部片奏可否卽遵前旨由部知照軍機處遇有道府缺出一體進單迹涉朦混實有未合寶銘著俟召見後再行降旨○諭奎俊電奏剿破匪巢情形各節前據該督迭次電奏拿獲匪首熊青禾等陣斬多名荷從亦經解散茲據電奏本月初九日臬司陳瑞帶隊直逼蘇家灣匪巢羣其隘口各軍左右分剿三路併進斃匪一千數百人當將匪巢攻破生擒匪首唐玉龍等正法餘匪竄散卽經分投追殺搜捕等語川省土匪勢甚猖獗此次經奎俊督飭各軍分路痛剿大股已平辦理尙屬妥速仍著嚴諭各屬認真搜捕餘匪務淨根株以靖地方並將賑務及善後事宜妥爲籌辦○甲戌追子故福建布政使潘駿文戰功事蹟交國史館立傳並於山東建祠○丁丑袁世凱奏查天津交還一案應由臣率同在津文武地方各官前往接收當經檄飭津海關道唐紹儀會同長蘆鹽運使楊宗濂天津道張蓮芬天津鎮總兵吳長純等偕同天津府縣暨隨帶文武各員弁先期赴津於七月初五日與各國駐津都統及各執事司員接洽晤面各都統等均接見甚歡任隨華官在天津地方部署一切並准各委員至該都統署考查各司員所辦之

事查天津自各國聯軍佔據以後創設都統衙門治理地面其自天津全縣以逮寧河縣鎮塘沽北塘沿海各處均歸管轄該都統署內劃分八股辦事一總文案一漢文一巡捕一河巡捕一發審一庫務一工程局一衛生局其外復劃分四段一城北段一城南段一軍糧城段一塘沽段每股每股均各派員分司其事此各國在津治理地方之大略情形也現既議定接收所有各股各段均經臣預先遴員前往接替並將臣前在保定募練之巡警隊兩千人預調來津按段接辦其各國原設之華捕一千餘人亦暫行酌留免其流落滋事復在附近津城二十里內按東西南北及四隅分設保甲局八處每局派文武員弁各一人酌帶馬步巡丁稽查匪類其二十里外則分撥警隊扼要屯紮海口及附近鐵路各處酌派水陸巡警隊分布彈壓以上各項均飭由唐紹儀等先期籌商布置就緒議明於十二日一律任事臣於十一日陛辭請 訓後十二日由京乘坐火車啟行有印度兵一隊在京火車站排列相送午刻駛至天津各國都統均至車站迎迓派有華捕一隊站班另派華捕作爲護兵臣當即帶同文武各員逗遛該都統署將所有地段及官場各產一一接收並由各都統當面呈交各件一會議目錄一財務簿一銀款票據一各案犯卷宗一各工程卷宗一各合同底卷其銀款一項除各都統支用外計實在銀十八萬五千餘兩洋銀四萬餘元均留備地方各項善後工程之需由臣與各都統簽字畫押彼此交割完竣各都統肆延

設席歎勞如禮致敬盡歡卽將都統衙門裁撤各聯軍巡捕隊一律開拔離津該都統等復至臣處告別
臣卽於是晚延請各部統暨各司員宴會酬酢雍容樽俎藉固邦交此臣馳抵天津接收地方之大概情
形也伏查天津自歸各國轄治迄今已逾兩年深宮時厯宵旰之憂編氓日切雲霓之望茲幸仰賴
朝廷德化感動遠人是以各國敦尚信義如期歸還臣蒞津之日紳商士庶夾道歡迎咸以重見漢官威
儀爲幸而市廛闐闐多有升輿國旗懸結燈彩以誌慶賀者中外輯和商民欣悅實足仰紆宸庥惟
天津爲南北通衢五方雜處宿奸藏竊良莠不齊自聯軍佔據以來人心益覺浮動現雖收回地面而應
辦善後各事勢如治絲稍一不慎弊端立見且不免貽人口實措理良非易臣惟有督飭所屬文武各
員酌度機宜妥籌辦理並擬趁此變亂之後將從前各項積習痛與刷除務期弊去利興庶以仰副聖
朝整頓地方至意報聞○戊寅歲歷三泰湖南近年出款以昭衡州教案爲最鉅現在新增償款爲數更
多且須常年攤解勢不得不取之民間惟念大局甫定自以培護元氣固結民心爲本斷難再加殷削致
生他衅雖當急何能擇之際仍求寬而不擾之方以期取不傷民舉無流弊謹將籌款詳晰情形爲我
皇太后 皇上陳之查光緒二十六年衡州教案賠恤銀一萬六千兩天主堂賠恤銀三十七萬
兩數鉅期迫不得稍事遷延當由司道庫局暫行挪解而各款均係指撥要需事後均須歸墊因將助餉

新扣除已解 皇差經費銀五萬兩挪解新案償款銀十萬兩外所餘銀一十一萬餘兩及釐局積年解剩尾款全數提用尙有不敷仍須按年籌還以清款目此分賠教案之情形也至新案償款湖南派銀七十萬兩所辦加抽土鹽三成整頓田房稅契贏縮不定未可恃爲的款議將湖岸淮鹽每斤加價四文合省紳民報効口捐亦每四文綜計各項歲入銀約四十萬兩左右復於衡州永州寶慶三屬設立官運局收運粵鹽化私爲官一以防濫溢而維正引一使向來私銷逃匿各課均有著落以冀湊集要需此措備償款之情形也竊維湘省素號貧瘠加以水旱頻年蓋藏告匱閭閻困苦謀食維艱上年各省散勇紛歸頓增十餘萬游惰與地痞會匪蹂躪其間時思蠲勸籌捐稍拂民情則煽惑有詞立生變亂故臣於一切捐地捐之稍涉紛擾者概不敢輕率舉行誠以籌款之難稽察密則擾累必深用人多則中飽必鉅往往籌十萬之款歸公者尙不及半而通省已騷然矣惟淮鹽有總綱可攬只就原設局卡帶徵隨課分解既無騷擾亦免侵漁其善一鹽爲日用所需以日食三錢計之每斤加錢八文每人月捐不及五文取之至纖集之至鉅其善二食力傭工授餐主者所捐無庸自納貧富調劑無形土著旅居一律輸納其善三雖繳自商人價仍加於食戶商本不致虧折而食戶零星購賣出於自然其善四議者咸論按畝攤捐公而且普原屬確論然細按三農乃四民之一不能盡人有田則不能盡人加派究其歸宿豈得平均又

每半徵納錢糧向分兩忙間有一忙統完者人情稍少見多便生吝惜公帑不過涓滴之增而加賦遂爲怨咨之府不如鹽捐可按日勻抽出於不覺臣再三考察實見各項捐輸准鹽斤加抽最無流弊如果籌情疑阻亦難強而從同湘省此議倡自紳耆商民亦均稱善毅然開辦勢順情通但准鹽雖按引可稽而衡永各屬粵私充斥頗形散漫惟有改設官局收運鹽商以爲歸宿之所蓋衡永原屬准綱引地粵私浸灌已非一年其間賈販貧民藉此謀食者不計其數斷難禁遏絕其養命之源若一任散漫無稽則准課本重斷不能抵制私銷倘下游之准引一疲則湘省之鹽捐銳減一切加價口捐均爲有名無實以有諸之的歟變爲虛指之空言是湘省籌捐償款全以辦理官運爲關鍵也官運辦有成效粵鹽仍不禁其侵銷但使准粵界限分明酌示限制而引鹽亦有銷數可核庶各項歲課所入均可按冊而徵否則粵私日侵日深准鹽日積日滯償款無出公私交困成敗所係利害灼然此又開辦鹽捐必先整頓官運之實在情形也覆按前後分籌賠償各款均未絲毫擾及百姓間有劣商地痞借端阻擾按律究懲均經帖服其安分商民尙不以捐輸爲苦州縣不能經手稽徵無虞從中侵蝕得 旨知道了著卽隨時稽察妥爲辦理片併發○辛巳正黃旗漢軍都統廣宗卒子祭葬恤銀賞其子員外郎常順以郎中卽補○壬午諭軍機大臣等有人奏江蘇糧道羅嘉杰撥將糯米至太古洋行輪船裝載付過定銀十二萬兩嗣經覺察勒

令退讓事雖未成迹已昭著著劉坤一按照所參各節確查具奏原摺著鈔給閱看將此諭令知之○諭軍機大臣等有人奏安徽蕪湖道吳景祺貪婪勒索縱子庇弁種種不法著着緝拿按照所參各節確切查明據實具奏毋稍徇隱原片著鈔給閱看將此諭令知之○調永隆爲鎮藍旗滿洲副都統以誠全爲正白旗蒙古副都統○癸未 上詣 奉先殿 壽皇殿行禮○諭軍機大臣等劉坤一張之洞等電奏與英國使臣馬凱議定商務全約等語既據該督等會奏稱屢經妥酌定議卽著呂海寰盛宣懷就近畫押仍將各條與劉坤一張之洞悉心詳核辦理一切務臻妥善倘有後患惟該督等是問○升允奏准政務處咨光緒二十七年七月二十日內閣奉 上諭著各省將軍督撫將原有各營履行裁汰精選若干營分爲常備續備巡警等軍操習新式鎗礮認真訓練以成勁旅等因欽此仰見 朝廷整飭戎行實事求是下懷莫名欽佩伏查陝省防軍舊有武威各營旗前年奉 旨徵兵入衛由 奴才帶領北上陝省兵力頓減防務難周前護撫 臣端方奏明添募忠靖各營旗藉資填紮迨去春入衛陝軍西旋遂卽分別裁併而武威忠靖各名尙仍其舊現在奉 旨改爲常備續備巡警等軍自應欽遵辦理覆查陝省新舊各軍多係練習洋操擬就其中挑選精銳共成大旗改爲常備新軍步隊長駐省城便於調遣 奴才前奏調開缺山東曹州鎮總兵萬本華已於五月來陝卽令統領常備新軍步隊大旗勦加訓練其餘尙有忠靖

八旗兩營步隊忠靖武威各兩翼馬隊多可造之現擬裁營成旗改馬爲步共作步隊十二旗以六旗爲續備防軍六旗爲續備長軍防軍有彈壓地方之責長軍爲開墾荒曠之需而仍以勦習新操爲不失立軍宗旨此外撫標練軍三營城守練軍步隊一營陝安鎮標練軍步隊一旗漢中鎮標練軍步隊一旗延榆綏鎮標練軍步隊三旗成軍有年且多分巡地面擬請一律改爲巡警軍以符新章他若礮隊可以備鎗刀之窮馬隊可以增步兵之勢似亦當因時酌定擬將原有之開花礮隊二哨改爲常備新軍又撥入防軍之練軍馬隊改爲常備新軍中營馬隊忠靖前左兩旗馬隊改爲常備新軍左右兩旗馬隊使與步隊相輔爲用至陝省防軍餉章步隊一旗額弁勇三百七十員名勇餉月支銀三兩三錢馬隊一旗額弁勇一百二十五員名馬勇餉乾月支銀六兩至二十六年歲荒穀貴前撫臣岑春煊酌量情形每步勇一旗改爲三百五員名馬勇一旗改爲一百一十五員名其裁截之餉分勻加增以充各勇口食亦尙相沿未改現擬將新設常備續備各軍馬步隊勇額就岑春煊原減之數作爲定制不再補足以免紛更惟餉章須分別酌改常備步軍亦期嚴加訓練精益求精不厚其生不能策其力政務處來咨已有優給餉項之說應照洋操勇餉章程給發用示優異續備各軍視常備軍餉數差減陝西餉章每月步勇銀三兩三錢馬勇銀六兩似不足以自給且岑春煊原議減人增餉本一時權宜之計現已穀價平減易歉

爲國不得援之爲例額數照裁減以後之新章餉項遵未增以前之定制核計續備步隊十二旗常備馬
隊二旗每年可節省銀六萬六千四百餘兩卽自光緒二十八年五月初一日起照此支放所有銀兩屯
軍收買耕牛購備農器在在需款卽以撥充開墾之資練軍餉額未較防軍獨輕應請如政務處來咨一
仍其舊額維此次欽奉 諭旨振興戎政期在實力整頓加意修明奴才忝在疆圉責無旁貸往省各旗
有萬本華專心訓練奴才仍不時親往閱操其距省較遠之防屯各軍亦由奴才批諭頻加遊 行申儆
如實有廢弛營務者隨時撤參懲一儆百決不敢以姑息之小仁贖軍實之大政至於虛額使餉尤爲營
伍之惡習奴才已飭營務處暨省外文武各官按月親赴各營點檢一次其或貧乏不對年貌相懸卽嚴
參從事各營官功名富貴多由自戰而來參辦之需重則侵蝕之念自輕總期軍籍皆有用之兵庫藏無
虛糜之餉得 旨知道了著卽督飭認真訓練隨時考察務除積習而成勁旅○甲申諭抽釐助餉本軍
興時不得已之政近年以來收數雖多而委員司事巡丁辦理未能盡善或至留難商賈弊端百出朝廷
軫念民艱久擬一概廓清革除弊政現與各國新訂商約加收洋貨進口土貨出口等稅一經定議著卽
將各省局卡一律裁撤不再抽收釐金至各省應解留經費將來免釐之後應將加稅進款如何撥補
之處著戶部迅卽咨行各省預先籌備俟開辦後再行奏請遵照辦理○外務部奏天津至鎮江鐵路前

奉諭旨特派許景澄爲督辦張翼爲幫辦當經該督辦等與德國德華銀行英國匯豐銀行訂立借款
草合同於光緒二十五年四月十三日具奏奉硃批依議欽此欽遵咨由總理各國事務衙門照會德
英兩國使臣在案該合同第三十三款內載草合同一經簽押中國應准銀行等之工程司前往勘路報
明若所報情形與銀行等合意即將此草合同訂定再立詳細合同如有尙未詳洽之處可由督辦幫辦
大臣與銀行等和衷商改等語嗣因該銀行等勘路未竣是以詳細合同尙未訂定本年七月十六日准
德國署使臣爲爾士照稱據德華銀行聲稱德商承勘自天津至山東南界一段現已完畢擬遵照草合
同第三十三款迅速開議正合同定後立即開工惟當時督辦幫辦大臣現僅存張翼一員應請奏請添
派督辦一員並飭會同張翼速與德華銀行開議商辦一切等因臣等查津鎮鐵路照原訂草合同分爲
南北兩段德商承辦天津至山東嶧縣一段英商承辦嶧縣至江蘇鎮江一段現據德使照稱德商承辦
之路業已勘竣自應請旨特派督辦大臣與張翼詳慎辦理伏候命下卽由臣部知照德英兩國使
臣轉飭各該銀行與該督辦等會訂詳細合同以符原議得旨著派袁世凱爲督辦大臣○外務部奏
臣等據出使大臣伍廷芳咨稱古巴島內華民流寓甚繁近年較前稍少猶有數萬人前因此島隸屬日
國而地與美鄰故以駐美使臣兼使日國原取其便於保護中國總領事係領日國准照今古巴既爲自

主情形與昔迥殊所有立約派使各節似應次第舉行等因臣等查古巴現經自主該國外部備文聲明中國原設之總領事即應停止因念睦誼暫允辦事該處僑氓甚衆交涉事繁自應請 派使臣前往立約通好方足以資保護按之各國通例亦正相同臣等公同商酌擬請 簡派駐美使臣兼充出使古巴國大臣與該國妥立新約並照日國秘國之例以總領事即兼參贊常川駐紮遇事稟商使臣核辦俟奉 派定兼使後即由臣部遵照辦理得 旨允行○外務部奏查出使經費一欸係於大成洋稅暨招商局留關六成稅內均作十成核算各提一成五由各關按結解交江海關道收存以備撥用近來屢次特派專使出洋加以奧義比三國又經新添駐使開支之欸視昔尤多雖經臣部嚴定出使章程力求撙節而綜計應支經費仍覺支絀異常推原其故委因各關擅自挪移延不清解亦因各處借撥過鉅歸還無期遂致出入不足相抵時有竭蹶之虞大局攸關實不得不預爲籌畫當經電飭江海關道將現存銀數及各關未解結數分別查報去後茲據該關道電覆稱使費現祇存十四萬餘兩作抵戶部指撥船廠經費劃還華泰洋欸數尚不敷所有宜昌關欠解一百六十五六七結鎮江蕪湖九江重慶各欠一百六十六七結江漢關欠一百六十七結閩海關欠一百五十六結起至一百六十七結止及前欠一百三十五結起至一百四十二結止粵海關欠一百六十三結起至一百六十七結止並前欠八十結起至九十四

結止又九十五六結找款暨九十七結至一百三結浙海關欠一百四十八結找款並一百四十九結起至一百五十八結止又一百六十結起至一百六十七結止各提存使費乞嚴催速解等語等查使費提款祇有此數各該關監督自應遵照定章接結清解今宜昌等關欠解一二三結不等已屬延宕若閩海粵海浙海三關欠解至十餘結或二十餘結之多顯係不知緩急任意挪用設各關相率效尤使費從何取給應請 旨嚴飭各關監督將本年各結提存使費務必掃數清解並將欠各結隨時設法補解倘或仍前延宕卽由 臣部查取職名據實嚴參以儆玩泄至戶部撥用使費一節查光緒二十四年六月間奉 旨有在使費項下每年撥船政經費銀三十萬兩旋又改解戶部並撥充武衛中軍練餉在案本年二月間 臣部因使費支絀奏請將前項銀兩仍歸使費開支奉 旨允准戶部又經奏請本年已撥長蘆應還洋款十二萬餘兩其餘解部撥用應毋庸議自明年起劃歸 臣部十萬兩其餘二十萬兩仍照案歸戶部撥用等因 臣等詳加查核使費一款截至光緒二十三年止戶部尚撥未還共一百六十餘萬兩南北洋借撥未還共一百四十餘萬兩迨二十四年提撥船政經費截至二十七年止甫及四年使費內又驟短一百二十萬兩際此時局 臣等深知籌款艱難戶部南北洋借撥各款迭經奏催迄無撥還之日惟船政經費改解戶部之三十萬兩本係出使專款如果使費充裕則同一公家用項何敢稍分畛域無如

現存銀兩頃據江海關道電稱作抵戶部撥還華泰洋欸數尙不敷臣等公同商酌使費如此支絀戶部撥欸尙屬虛懸無著目下出使法奧義比各國大臣先後定期起程應領整裝川資等欸爲數甚鉅又將何以應付擬請 飭下戶部將本年船政經費改解戶部之三十萬兩內除前已奏撥長蘆應還洋欸十二萬餘兩外仍歸臣部撥用俾得稍資周轉自明年起儘數歸入使費項下存儲備撥至本年華泰還欸既據江海關道電稱數尙不敷應由戶部另籌指撥以免貽誤得 旨允行○丁亥諭軍機大臣等劉坤一呂海寰等電奏悉所有十九日電請有一節仍著責成劉坤一張之洞妥酌如果別無用意確無流弊即行傳旨著照所請○諭軍機大臣等有人奏安徽賑欸無出請將沿江洲地認真清盤一摺據兩院省沿江一帶淤漲沙洲盡成糧地諒則仍是草蘆請將已墾者一律招佃等語著該督按照所陳各節切實清查整頓勿任豪猾把持吏胥弊混以盡地利而裕賦課另片奏棍徒爭佔洲地覆有包課名目請飭嚴禁等語著該撫一併嚴查弊端認真革除以重公欸是爲至要原摺片著鈔給閱看將此諭令知之